

सानसेयारि "बड'सा" खौरांलाइयाव
अमाजयारि जिज्जो लोब्बा थानाय रायथाय, अन्थाय,
अल, अल'बाथा आरो दावबायारि थावनि, पार्क
बाइदिनि आयाव लिर्नाय लिर्बिदां दैथाय हर।
सानसेयारि "बड'सा" खौरांलाइया सेबअरानाबि
फोस्वावोन।

बड'सायाव लिर्हरनायवि हुदा खालाम,
"बड'सा" खौरांलाइया, जो बयबो आंगो खालाम।

सानसेयारि बड'सा मावखुलि
माइबं नोगार, जोहोलाव दैमालु लामा
कक्राझार, बिटास-783370
Website: www.bodosanewspaper.com

सानसेयारि बड'सा



BODOSA ★ A Bodo News Daily ★ Tuesday ★ 15 June, 2021 Kokrajhar, BTC, Assam ★ Vol.- 31, Issue No. 80 ★ R.N.I.Regd.No.40994/91, AssamGovt.Regd.No.IPRD.40/2006/13, ★ Rs.8/-

गागि समाज सिबियारि खगेन दत्तनि रुंसारि जानायाव गिबि मन्थिया दुखु फोरमायदों

दिसपुर, 14 जुन: गागि
समाज सिबियारि खगेन दत्तनि
रुंसारि जालानायाव गिबि
मन्थि ड० हिमन्त विश्व
शर्माया गोथो दुखु मोनाय
फोरमायो। दिने गांसे रादाब
बिबुंसारनि गेजेरजों गिबि
मन्थि शर्माया फोरमायोदि
खगेन दत्तआ डिबुगड्
(□ 5 बिलाइआव)

चिराडव करना पजिटिभनि अन्जिमाया सा 1355 सिम जाहैबाय

बिजनीनिक्राय मुसुखा
ब्रह्म, 14 जुन: करनानि
नैथि दोहोआ हादरनाडेनो
गोसारनाने सुबुं माहारिखौ
बेंगुरा खालामदों। हादरनि
जोगाखानायनि लामाखौ
होथेना दोन्दों करनाया।
हादरनि लाख-लाख सुबुंफोर
करनाजों सागलोव जानाय
बादिनो चिरां जिल्लायावबो
(□ 5 बिलाइआव)

देहायाव सम्बुक बायदि लहा बेसादफोरा बोखथाबो बिजनीनि सासे सुबुंनि देहायाव




बिजनी, 14 जुन: बावैसो
सानफोर सिगां ससेल
मिडियानि गेजेरजों सुबुंनि
देहायाव लहा थाखोनि
बेसादफोरा बोखथाबनाय एबा
सिथाबनायनि खौरांखौ नुनो
मोन्दोंमोन आरो बे नुथाया
जोबोरेनो गोसारदोंमोन।
लोगोसे रहस्य गोनां बाथाया
(□ 5 बिलाइआव)

गंसे गामियाव दान मोनसेनि गेजेरावनो सा 6 सुबुंफोरा गावनि जिउ फोजोबना लानाय जाथाया गामिनाडेनो गिखांनाय थासारि सोमजिहोदों

बाक्सा, 14 जुन: बाक्सा
जिल्लानि गंसे शुनि नांनाय
गामि। मोनाबिलि जाब्लानो
न'सिंनफ्राय ओंखार गामिनि
सुबुंफोरा। मोनसे नुनो मोनै
गोहोनि फार्से गिखांनाय
सोमजिहोदों गामियाव। गामियाव
सोमजिबोनाय गावनि जिउखौ
फोजोबनाने लानाय जाथायफोरा
सुबुंफोरनि गेजेराव गिखांनाय
थासारि सोमजिहोदों।
दानसेनि गेजेरावनो सा 6
सुबुंफोरा। गावनि जिउ
फोजोबनाने लानाय जाथाया
(□ 5 बिलाइआव)

मैदेरनि गाग्लोबनायाव उदालगुरिआव फिन सासेबाव सुबुंनि जिउ खहा

उदालगुरि, 14 जुन: आसामनि
गोबां ओन्सोलफोरव सुबुं आरो
मैदेरनि गेजेराव दावहा
सोलिनाया गोदान बाध्रा नड।
राइज्योनि गोबां हाग्रा
ओन्सोलफोरनि साखाथियाव
राइज्यो जाबोनाय सुबुंफोरा
सान-हर हाग्रानि मैदेरजों दावहा
नांबोबाय थानो गोनां जादों एबा
उतखार खालामजाबोदों।



बोसोफ्रोमबो हाग्रानि मैदेरजों
गाग्लोबजानाने गोबां सुबुंफोर
जिउ खोमानांबोदों। बेबादिनो
उदालगुरि जिल्लानि सिडव

थानाय दिमाकु चिआव
दुखुनांथाव जाथाया महर
मोनबावदों। उदालगुरि
जिल्लानि भारत-भुयन सिमना
ओन्सोल दिमाकुचि हालामनि
2 नं टेंक बस्तिआव हाग्रानि
मैदेर फालोओ आंखारबोनाय
सासे सुबुंखौ गाग्लोबनायाव
बन्दना उरं मुनि सासे सुबुड
(□ 5 बिलाइआव)

गुवाहाटी, 14 जुन: नर्थ-
इस्ट फ्रन्टियर रेलवेनि रेलवे
प्रटेक्सन फर्स (आरपिएफ)
हान्जाया आसामनि गुबुन गुबुन
रेलवे स्टेसन आरो ट्रेन
फोरनिफ्राय सा 9 हौवासा
आरो हिन्जावसाफोरखौ उदां
खालामदों। आलिपुरदुवार
आरपिएफ आरो गसाइगाव
आरपिएफनि मोनसे जुथाय
हान्जाया गसाइगाव रेलवे
(□ 5 बिलाइआव)



आसामाव मोब्लिबयारि आयनि खहा जानायखौ दबथायनो गुजराटनि नेमखान्थिफोरखौ आजावनांगोन: गिबि मन्थि



बिमा-बिफा गोमाजानाय साथाम बिब'-बिफोरनो फिनसुंथानि राहा होनो बाक्सानि फरायसा आफादा सरकारनिसिम खावलायहरदों

बाक्सा, 14 जुन: द' दाननि
गेजेरावनो बिमा-बिफाखौ
खोमानाने लानानाय दुखुथिया
साथाम बिब'-बिफाआ राहा
गोथेजादों। बाक्सा जिल्लानि
मुसलपुर महकुमानि सिंग्रापारा
गामिनि बे दुखुथिया नखर।
बे साथाम गथ'नि बिमाया
थानाय 5 दान सिगां केन्सार
बेरामजों भुगिनांनाने जिउ
खोमानांनानयनि उनाव
बिफायाबो हरखाबे थैयो।
बिमानि फाहामथायानि मुडाव
रां-खावरि बाहायजोबनायनि
उनाव बिफायाबो बिखानि



बेरामजों दान मोनसे सिगां
जोबथा हां बोयो। जाहोनाव
राहा गोथेजायो साथाम-बिब'-
गथ'फोरखौ सोलोंथाइ होबोबो
नाजाबोदोंमोन। बिनि देरसिन
फिसाजो भाग्यसि दत्तआ

ग्रेजुवेट डिप्रि मोननो हानायनि
अनगायैबो नैथि फिसाजो
सिसासि दत्तआ हायार
सेकेण्डरिनि जोबथा बोसोराव
आरो सासेल' पिसाज्ला
सौरभ दत्तआ 8 थाखोयाव
फरायगासिनो दड'। बिमा-
(□ 5 बिलाइआव)

गुवाहाटी, 14 जुन: आसामनि
गिबि मन्थि ड० हिमन्त
विश्व शर्माया दिने फोस्मायथि
होदोंदि, राइज्योआव
मोब्लिबयारि आय एबा
मुलाम्फानि खहा जानायखौ
दबथायनो थाखाय गुजराटनि
नेमखान्थिखौ आजावनांनै
लानां गोन। राइज्योआव
मोब्लिब बाहायनायनि बिल
होयै आरो गोबां बिबांनि
मोब्लिब बाहायग्राफोरा
(□ 5 बिलाइआव)

मुलुगनां थै दान सानाव गसाइगावआव थै दान होनाय हाबाफारि खुंफुंदों



गसाइगाव, 14 जुन:
मुलुगनां थै दान सानजों
लोगोसे लोब्बा लाखिनानै
दिने कक्राझार जिल्लानि
गसाइगावआव नंसेनल
मेडिक'ज अर्गेनाइजेसननि

सिबिथाय कुन्जयाव खुंफुंनय
बे थै दान होनाय हाबाफारियाव
बि टि चिनि सावसि बिफाननि
मावफुं सोद्रोमा अरुप कुमार देया
नुजाथिहै नानै अमप्रकास
चटुर्बेदिनि सावगारियाव जेवारि
बाथि फोजोना हाबाफारिखौ
बेखेवनाने होयो। बेनि उनाव
सिबिथाय कुन्जनि लांगोनायाव
बिफां फुलि गायनाय
हाबाफारियाव मावफुं सोद्रोमा
अरुप कुमार देजों लोगोसे
एडिसनेल कमिसनार गौतम
प्रियम महन्त, महकुमानि
(□ 5 बिलाइआव)

कक्राझारनि अभयाकुतिनि जाथायखौ सिआइडिनि संदान्नाया जागायबाय

(दुलाराय राभा फरायसा आफादआ सिबिआइनि सं दान्नाो दाबि खालामदों)

कक्राझार, 14 जुन:
बावैसो सिगां कक्राझार
जिल्लानि धिरबिलनि साखाथि
अभयाकुति गामियाव सानै
हिन्जावसाफोरखौ फासिनानै
थानाय थासारिआव
फांसे बिफांनिक्राय गोथै
सह बोखानो मोनाय जाथाया
मोनसे बुथारनाय जाथायनि
अजद होनाने दुलाराय राभा
फरायसा आफादआ बे
जाथायखौ सिबिआइनि
गेजेरजों संदान्नाो आरो लोब्बा
थानाय दायनिगिरिफोरखौ आइन
बादियै गोखें साजा होनो
(□ 5 बिलाइआव)



थाखाय दाबि दैखांदों। मख'नाय
जायोदि, सिआइडिनि एसपि
कंकनन्यति शइकियानि देदेन्याय
सिआइडिनि मोनसे हान्जाया
(□ 5 बिलाइआव)

गसाइगावआव सासे सुबुंनि गोथै सह बोखांदों



गसाइगाव, 14 जुन:
आसामनि दाब-दाब
ओन्सोलफोराव दासान्दि
जिनाहारि खालामनानै
बुथारनाय, सुबुं लांखारनाय,
बुथारखोमानाय आरो बायदि
रोखोम समाज बेरेखा
खामानिफोर बांसिनबोगासिनो
थानायखौ नुनो मोन्दों।
राइज्योनि गुबुन ओन्सोलफोरजों
लोगोसे बिटिआर हालामआवबो
बेफोरबादि जाथाय सोमजिनाया
उन जानाने थायाखै। कक्राझार
जिल्लानि गसाइगाव महकुमानि
भावरागुरि पुलिस थानानि
सिडाव थानाय मिलन

बाजारआव दिने सासे सिनाय
मोनै बैसोगोर सुबुंनि गोथै सह
बोखानो मोन्दों। बोखानाय गोथै
देहाखौ 50 बोसोर बैसोनि
जागोन होनानै मिबथिनो
मोन्नाय जादों। मिबथिनो
मोन्नाय बादिब्ला, दिने फुंबिलि
समाव मिलन बाजारआव
गामिनि थागिबि राइजो-
राजाफोरा सासे सुबुंनि गोथै
देहाखौ नुनाने भावरागुरि पुलिस
बिफाननो खौरं हरो आरो पुलिस
बिफानआ जाथायसालिआव
फैनांनै गोथै सहखौ पस्ट
(□ 5 बिलाइआव)

आसामनि गुबुन गुबुन स्टेसनफोरनिफ्राय सा 9 हिन्जावसाफोरखौ उदां खालामदों

कालाइगाव-तांनि पि डब्लिउ डि लामाया बायफ्लेलानायनि लामायाव

कालाइगाव, 14 जुन: 65 नं कालाइगाव बिधान सभा
बियाबनि सिडव थानाय मोनसे गोनांथार कालाइगाव-तांनि
पि डब्लिउ डि लामा। बे लामानि थासारिया परैबादि गात्रि
जादोंदि बुनो थाडेब्ला करना महामारिनिखुडबो बांसिन खैफोद
गोनां जानाने फैदों। बिधान सभा बिसायख' थिया खुंफुंजानाने
दानसे सम बारलानायनि उनावबो (□ 5 बिलाइआव)

अभयाकुति गामिनि जाथायाव दासिम सा 7 यनिगिरिफोरखौ पुलिसआ खाबाय

कक्राझार, 14 जुन: बावैसो सान सिगां कक्राझार जिल्लानि
सिडव थानाय धिरबिल ओन्सोलनि अभयाकुति गामियाव
सानै हिन्जावसाफोरखौ फांसे बिफाडवोनो बुथारनाने फासि
होनाय जाथायजों लोब्बा थानाय सा 7 दायनिगिरिफोरखौ
कक्राझार पुलिसआ खानो हाबाय। बे जाथायजों लोब्बा
थानायनि सन्देहआव रबिबारखालि सा 5 सुबुंफोरखौ पुलिसआ
खानाने कक्राझार पुलिस थानाय (□ 5 बिलाइआव)

सुजुगिरिनि खोलोम

गोगो आबाद दैखानायनि गोनांथि सौफैबाय

गायनाय-फुनाया बर' फोरनि मोनसे हारिमु। बैसागु-दमासिया जैरे बर' फोरनि एंगारनो हाथावयै हारिमुयारि फोबो बिबिदो गायनाय-फुनायाबो रोखोमसे फोबोनि महर मोन्दो। गायनाय-फुनायनि गेजेरजोनों दिनेसिम बर' फोरनि थाना थानायनि गुदि आरो गाहाय रांखास्थियारि फुंखा। थालाथै बुंनो थोडोब्ला आबाद मावनानै दैज्जानि दैज्जानि, मेसेनि मेसें आबाद दिखानानै थाना थानायनि गासै राहा-लामाखौ आबादारिफ्रा गावसोरनो दिहुन्नानै लाबोनांदो, आरो बेनो जोनि आबादारिफोरनि गुबै थांखि। जायनि थाखाय जोनि आबादारिफ्रा फारफ्रोम बिथिनि खैदां-खैफोटखौ सौसिबोनानै दिनेसिम गावनि थाना थानायनि लामा बहन्नानै लानायजो लोगोसे गुबुन्नो आरो नखरनि फिसा-फिसोनि थाना थानायनि लामा बहन्नानै लाबोदो।

जोनि आबादारिफोरनि बे गोखौं मावदिन्थिखौ नोजेर खालामोब्ला गोनोंखोयारी आदब बाहायनानै सोदनाय गोदान जोलै बेगर, हासार, मुलि, गाहाम दै जगायनायनि राहा-लामा आरो गोबां बिथिनि नेम खांथिजो आबाद दैखानायनि खाबु लानो एबा मोन्नो हानायब्ला एबा थुलुंगांथाव सुबुरुन, मदतआ गमामा आबाद जांखिखानाय लाबो नो हागोन होन्ना सानजाथाव।

दैज्जानि गायनाय-फुनाय माइ-माइर'जोल' आबादनि जांखिथाय लाबोनाया आद्रा थालानाय बादि जागोन। बेखायनो जोनि सानफ्रोमबोनो थाखाय नांनय माइ-माइर'जो लोगोसे दैज्जानि दैज्जानि-मेसेडव मेसेनि मैंग-थाइग बाइदि रोखोम आबाद दिखानायनि गोनांथि दसै।

माइ-माइर, मैंग-थाइग'आ जैरे गोनां बिबिदो गुबन आबादफ्रोबो एंगारथावयै गोनां। मानसिनो नाडैमुवा गैफेरा। नांगोनिबो जोबनो थाडा। गान्नाय-जोमनाय, जानाय-लोनानयनि अनगायैबो सानथ्र' हायै मुवा बेसाद, हास्थायनाय जोबनो थाडा मानसि माहारिनाव। बेखायनो गोनांसिन आबादजो उफ्रा आबादबो दिखानो लानाया गाहाम। आबाद फोथाराव मोनसेल' आबादखौ मोखां नाथाजसे जावथु आबाद दिखानानै गोबां मुलामफायारी जानो हानाया जोनि नसुंसे राइजोयाव गोबां दसै। गय बारियाव गय बिफांजो लोगोसे नारं लेबु, आनारस, फाथै, हाइजै, हाल्दै, मसला फिथाय, फानलु, फान्थाव बाइदिदिना बाडाइ समनि गेजेराव मोन्नो हानाय आबादफोरखौ दिखानायनि राहा लानो हायोब्ला रांखास्थियारी बिथिडव हुंखा सुंथानो गोलैयै राहा मोन्नो हागौ। मेसें बोथोराव थाव बेगर बेसर, सिबिं, गुजि, देमसिफोरजो लोगोसे समान सम आरो बोथोर मोनसेयावनो दिखानो हानाय नाथाय गोबां दिहुन्थायनि थाव बेगर सान फ्लावारफोरखौबो आबाद खालामनो लानांसिगो।

गासै रोखोमनि आबाद दिखानानै सोरगिदि जेरावबो जैरेबो आबाद जावरिखानाय लाबोनानै ओनसोलखौ अराय सोमखै खालामनायनि थांखि आरो मदतनि गोनांथि दसै।

दिनेनि फानजामुथि

राशि बाइदियै मुनि गिबि हांखो

मेष : अ ल वृष : ऊ ब (उ ए इ) मिथुन : क छ (ङ ष) कर्कट : ड ह सिंह : म ट कन्या : प ठ (ण ष) तुला : त र बृश्चक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

मेष: जैरेबो जारला जानाया जोबनाय नडा। गोजोन्नाय गैयैजो समखौ हगार हरनांगोन। गोसोखौ हमथा।

वृष: सुथुर जालायनानै थानाया जोबनांगोन। गोसोखौ गोजोन्नाय मोनगोन। मोजां दिन।

मिथुन: खामानि मावनो नागिरनायाव बायदि रोखोमनि जेना नुजानो हागौ। धैय हमनानै मावनांगोन।

कर्कट: गोसो थोनायनि दौलैआ गोरा जालांगोन। फारफ्रोमथिबो गोजोन्नाय मोनगोन। मोजां सान।

सिंह: सोरजोबाफोर बायदिसिना होन्नानै अपमान होजाबायनो हागौ। गोसो हमथानानै सोलिनगोन।

कन्या: माबा मोनसे मोजां दोहोन-दौलद आरजिनानै लानो हागोन। मोजां दिन।

तुला: नख 'राव गोजोन्नायखौ मोन्नो हागोन। बिमानि सुखुआ बांगोन। मोजां सान।

वृश्चिक: मानिबा जाहोनाव देहाखौ खस्ट मोनखानो हागौ। देहाखौ सांग्राडै लाखिनांगोन।

धनु: माबा मोनसे जेनायाव गोपलैबायनो हागौ। जैरेबो सांग्रां जानानै थानांगोन।


मकर: मोजां रौंग थिनि थाखाय मान मोन्नो हागोन। गोजोन्नायजो समखौ हगार हरनो हागोन। मोजां सान।

कुम्भ: बे रासिनि सोरबाफोर बरग होनांगो दंबा होनो हागोन। दिनेनि दिना मोजां।

मीन: माबा मोनसे मुवा-बेसाद खहा जाबाय बायनो हागौ। जेखि जाया सांग्राडै बाहायनांगोन।

थावनि बेसेनफोराव बांनाया सोलिबाय थारो, डिजेलआ 100 रानिफ्राय बांसिन जादो

गोदान दिल्ली, 14 जून : थाव कम्पनीफोरा समबारआव पेट्रल डिजेलनि बेसेनखौ आरोबाव खनसे बांहोदो। बेनि सिगां रबिबारआव बेसेनफोराव जेबो रोखोमनि सोलायनाय जायाखैमोन। बेसेनफोराव दिनेनि बांनायजो पेट्रल आरो डिजेलनि बेसेनआ गोदानै गोजो थाखोआव सौहैदो। हादतनि दर 4 गाहाय महानगरफोराव पेट्रलआ 29 फैसासिम आरो डिजेलआ 31 फैसासिम बेसेन गोसा जादो। फासैथि पेट्रल आरो डिजेलआ माखासे सहरफोराव 100 रानिफ्राय बांसिन जाबाय। नाथाय गंगानगरआव पेट्रलआ लिटारफ्रोमबो 107.53 रानि जादोब्ला गुबुन फासैथि डिजेलखौ लिटारफ्रोमबो 100.37 रानिआव फान्नाय जादो। इन्डियान अयेल कपरैसननि बायदिब्ला, दिल्लीयाव पेट्रलआव लिटारफ्रोमबो 29



फैसा बांनानै 96.41 रानि आरो डिजेलआव लिटारफोराबो 30 फैसा बांनानै 87.28 रानिआव सौहैदो। बेसेनफोराव बांनाय 3 मेनिफ्राय जागायदोमोन। दिल्लीआव मे दाननि सभाव पेट्रलआ 3.83 रानि आरो डिजेलआ 4.42 रानिआव। जुनआव दासिमआव पेट्रलनि बेसेनखौ 2.18 रानि आरो डिजेलनि बेसेनखौ 2.13 रानि बांखांहोबाय। मुम्बाइयाव पेट्रलनि बेसेना 28 फैसा आरो डिजेलनि बेसेना 31 फैसा बांदो। बेवहाय पेट्रलआ लिटारसेयाव 102.58 रानि आरो

डिजेलआ लिटारसेयाव 94.70 रानि जादो। चेन्नाइआव पेट्रल 26 फैसा बांनानै 97.69 रानि आरो डिजेलआ 28 रानि बांनायजो लोगोसे बेखौ लिटारफ्रोमबो 91.92 रानिआव फानदो। कलकातायाव पेट्रलनि बेसेना 28 फैसा आरो डिजेलनि बेसेना 29 फैसा बांदो। बेवहाय पेट्रलआ आधिखालाव 96.34 रानि आरो डिजेलआ लिटारफ्रोमबो 90.12 रानिआव सौहैदो। राजस्थाननि श्रीगंगानगरआव डिजेलआ लिटारफ्रोमबो 100 रानिफ्राय बांसिन जादो।

रांखास्थि जेनानि गेजेराव तेलेंगाना सरकारा गं 32 लागजारी गारि बायनायाव खरसा खालामदो



हाइद्राबाद, 14 जून : करना भाइरासनि सभाव जेराव बांसिन राइज्यो सरकारफोरा जानला-मोनला खरसाखौ होबथानो नाजादो, जाहाथे रांखास्थिखौ मोजांआव लाखिनो हायो। फासैथि सरकारखौ बेनि उल्था नुनो मोन्नाय जादो। तेलेंगाना सरकारा आइएएस बिबानगिरिफोरनि थाखाय 25-25 लाख रानि गं 32 लागजारी गारि बायदो। जायखौ लानानै आधिखालाव दावराव दावसि जादो। उफ्रा कालेक्टरफोरनो होनो थाखाय बे लागजारी गारिफोरखौ रबिबारव प्रगति भवनआव लानायबो जादोमोन। मख 'जाथावदि, खम टेक्स आरो करना इनफेक्सनि जाहोनाव

फाहामथायनि सिबिथाय होनायफोराव गोबां खरसा जानायनि जाहोनाव राइज्योनि रांखास्थि थासारिया गाजि जादो। बे सभावनो सरकारा आइएएस बिबानगिरिफोरनि थाखाय गं 32 गोदान गारि बायदो, जायनि बेसेना गंसेयाव 25 लाख रानि। बेरेखा दोलोआ सरकारनि बे थांखिखौ जानला मोनला खरसा खालामनाय होन्ना बुंदो। बेरेखा दोलानि दैदेनगिरिफोरा बुंदो करना खैफोदनि सभाव बे रांखौ मेडिकेल सुबिधाफोरनि थाखाय एबा निखावरिफोरनो बेसेन नाडै फाहामथाय होनायाव बाहायनांगोमोन, नाथाय सरकारा बिबानगिरिफोरनि सुबिदाखौ बांसिने नोजेर होदो। राइज्यो

सरकारनि बे थांखि लानाया बिबाननि फासै सांग्राथि गैयै होन्नानै बुंदो। बिजेपिनि बुंथिगिरि कृष्णा सागर रावआ बुंदो, गिबि मन्थि चन्द्रशेखर रावआ राइज्योनि उफ्रा कालेक्टरफोरनि थाखाय गं 32 लागजारी गारिफोरखौ बायनायाव 11 कौटि रानि बांसिन खरसा खालामनायखौ माबोरै थि थांखि होन्नानै गनायनो हाखो। गिबि मन्थिया करना इनफेक्सनि सभावनो राइज्योआरि धोनखौ आद्रियै बाहायदो। बावैसो सभाव रांखास्थि मन्थि हरीश रावआ बुंदोमोनदि राइज्योआव कभिड-19 लकडाउननि जाहोनाव गोबां बिबानि टेक्स ख'हा जानांदो

भारतआव करनानि केसआ लान्थियैनो दावख्लाय गसिनो

गोदान दिल्ली, 14 जून : मुलुग नाडै बयखौबो गिखां होनाय करना भाइरासजो गोखौं भुगिनांनय हादतफोरनि दरसे भारतआव थानाय माखासे सानफोरनिफ्रायनो लान्थियै करनानि केसखौ दावख्लायनाय नुनो मोनबोदो। बिबिदो थानाय 24 घन्टायाव हादतआव करना भाइरासनि 70,421 गोदान के सआ थिसनजादो। मख 'जाथावदि, थानाय 31 माचनिफ्राय दासिमनि गेजेराव बे अन्जिमाया बयनिखुइबो खर्मसिन। अदेबानि बे सानाव करनाजो थैनाय अन्जिमाया 4 रोजानि साखाथियाव मोन्दोब्लाबो गोदान केसआव दावख्लायनाय लान्थियैनो थिसनजादो। थानाय सानाव सा 3,921 केस आरो करना बेरामिफोरनि जिउ गोमायो। फासैथि सानाव सा 1,19,501 बेरामिफोरा फाहामथायनि उनाव डिसाच जायो। आधिखालाव



हादतनाडै करना भाइरासनि एक्थि केसआ 10 लाखनि गाहायाव फैबाय। हादतनि एक्थि केसआ आधिखालाव 9,73,158 केस दं। बेखौ लाफानानै दासिमाव गासै 2,95,10,410 पजिटिभ केस मोनबाय आरो गासै सा 3,74,305 जिउ गोमाबाय। थानाय 24 घन्टायाव जाय दर 5 राइज्योफोराव बयनिखुइबो

बांसिन केस मोन्दो। बेनि गेजेराव तामिलनाडु आनो गिबिसिनाव। बेनि उनाव फारियै केरेला, महाराष्ट्र, कर्नाटक आरो अन्ध्र प्रदेश। हादतनि गासै गोदानै मोन्नाय केसनि 71.88 जौखोन्दोआ बे दर 5 र। इ च यो फो र नि। तामिलनाडु आवनो 19.9 जौखोन्दो गोदान केस थिसनजादो।

उखैहाबनाय आरो बेरामनि गेजेराव गोथौ सोमोन्दो दं



गोदान दिल्ली, 14 जून : उखैहाबनाय आरो बेरामिफोरनि गेजेराव थोंजो सोमोन्दो थानायखौ सावगारि बोनानै इडएन वर्ल्ड फुड वर्कनि बिथोनगारि बिशब पाराजुलीआ सुबुरुन होदोदि, मुलुगयारि सन्देरा कभिड-19 नि सभाव देरहोरा लावहोरा, रैखाथि गोनां आरो गुन गोनां जाग्रा आदाराव इनभेस्टमेन्ट खालामनानै आइजोफोर आरो गथ 'फोरखौ रैखाथि गोनां खालामनो हागोन। बे रोखोमे गथ 'फोरखौ मोजां थासारिजो सरजाबनो हागोन। भारतयाव गोबां सुबुंफोरा उखैहाबनाय जेनाजो मोगा मोगि जानांदो। 2015-16 नि माहारियारि नख 'र जौगाखांनयनि सार्भ-4 नि बादिब्ला, 5 बोसोरनिफ्राय खर्मसिन बैसोनि 35.7 जौखोन्दो गथ 'फोरनि लित्रथाया गोबां खम। बेवहाय 38.4 जौखोन्दो गथ 'फोरा जौगाखाडैनि जाहोनाव आरो 21 जौखोन्दो गथ 'फोरा लोरबां जानायनि जाहोनाव लित्रथाया खम जादो। दर 22 राइज्योफोराव एनएफएचएस-5 नि सार्भेआव उखै हाबनायखौ बांसिन नुनो मोन्नाय जादो। उखैहाबनायजो लोगोसे एआरआइ, मेलेरिया, मिजिल्स, डायबिटिस बादि बेरामफोरा गथ 'फोरनि थाखाय खैफोद गोनां फोरमान जानो हागौ।

मेडिकेल ड्रन डिलिभारीनि ट्रायेलआ 18 जुननिफ्राय जागायगोन

बेंगालुरु, 14 जून : भारतआव गिबि खेव मावख'आरि महरै 18 जुननिफ्राय मेडिकेल ड्रन डिलिभारीनि ट्रायेलखौ बेंगालुरुआव जागायगोन। बेखौ बियन्ड बिजुएल लाइन अफ साइट (बि थि एल अ एस) मेडिकेल ड्रनबो बुंनय जायो।

बेंगालुरुनिफ्राय 80 किलमिटर गोजानयाव गोरीबिदनुआव 30 निफ्राय 45 सानसिम सोलिनो गोनां ट्रायेलखौ प्रटल एयार 'स्पेस सिस्टेम्स (टिएएस) मुनि कम्पनीआ जागायगोन। बे कन्सर्टियमआव टि ए एसनि अनगायै, इनबली-स्विसआव इन एप्लिकेसननि थाखाय एयार ट्रेफिक एवारनेस सिस्टेमआव आखा-फाखा रौंगथि गोनां। कन्सर्टियमआ मोन्ने रोखोमनि ड्रनजो बाहायगोन। बेयाव मोनसेया मेडिकेटर आरो टि एस एआबो दंफायो। अन डिमाण्ड डिलिभारी सफ्टवेयरखौ रेन्डिट मुं होनाय जादो। प्रटल एयार 'स्पेस सिस्टेमनि सि इ अ नागेन्द्रन कन्डासामीआ बुंदोदि, मेडिकेटरनि फिसा एडिशन 15 किलमिटरसिम 1 किलग्राम लित्रथाय लानो हायो, फारसेथि गुबुना 1 किलग्राम लित्रथायखौ 12 किलमिटरसिम लानो हागौ। बे सानफोराव गावसोर रेज्ज एबा जाथ्याय आरो रेखाथि मोन्नेखौबो ट्रायेल नायगोन। बेयाव

डिजिसिए थांखिया 125 घन्टासिम बिस्नायनि थांखि लादो। ट्रायेलनि उनाव लग 'खौ नायबिजिरनायनि थाखाय डिजिसिएनो गथायनाय जागोन। प्रटलनि एयार 'स्पेस सिस्टेम्सआ फोरमायदोदि, 20 मार्च 2020 आवनो डि जि सि एनिफ्राय ट्रायेलनि गनायथि मोन्दोमोन, नाथाय करना इनफेक्सनिनि माखासे गुबुन हाबाफारिया आद्रा थारोमोन। आधिखालाव बेखौ फु रा खालामनाय जादो। सिडिअ नागेन्द्रनआ फोरमायदोदि, गुबुन मोन्ने कन्सर्टियमनिथायबो बिथि एल एसनि गनायथि दड; नाथाय आयेनारि महरै गावसिनि गिबि मावख'आरि मेडिकेल ड्रन डिलिभारीया एक्सपेरिमेन्ट जानाय। नायणा हेल्थनि डायरेक्टर आरो मुंदीखा कार्डियक सर्जन डॉ० देवीरीद्रीआबो बे प्रजेक्टआव बाहागोयारि दं। टि ए एस आरो नारायणा हेल्थआ मुलि डिलिभारीनि थाखाय पार्टनरशिय एबा लोगो नांन जयै मावगोन। ट्रायेलनि सभाव इन्जुखौ मुलि राना हैनायाव बाहायनाय जागोन।

ड्रनजो भेक्सिनखौ जेना गोनां ओन्सोलफोरजो लोगोसे हादतनि ख 'ना ख 'नला जेरावबो सौहैगोन

गोदान दिल्ली, 14 जून : हादतनि जेना गोनां ओन्सोलफोराव थाग्राफोरनोबो करना भेक्सिन हरनो थियारि खालामनाया जागायबाय। जेना गोनां ओन्सोलफोरजो लोगोसे हादतनि ख 'ना-ख 'नला थाग्रा नोगोरारिफोरनि थाखाय ड्रनजो भेक्सिन सौहैहोनाय जागोन। आइसिएमआरनि फासैनिफ्राय सरकारि कम्पनी एड्सएलएलनि साब्सिडियारि एड्सएलएल इनफ्राटेकआ ड्रन सालायग्रा कम्पनीफोरजो

साहायमोनो थाखाय टेन्डार बे टेन्डारनि रादायफोरनि बायदिब्ला ड्रननि रन्जआ खमैब्लाबो 35 किल 'मिटरसिमन जानांगोन, जाहाथे मुवा-बेसादफोरखौ डिलिभारि खालामनायनि उनाव बियो गावनि स्टेसनाव फेफनो हायो। ड्रनआ खमैब्लाबो 4 किलग्राम लित्रथायनि मुवा-बेसादफोरखौ लोनायाव जाफुंसारनो हागोन। पेरशुट बाहायनानै डि लिभारि खालामनायनि गथायनि मोन्नाय नडा। ड्रननि लित्रथाया

लोगोरारि उरां जाहाज गाहाय बिथोनगारि मावख'थि थि थि खालामनायनि हि साबजो जानांगोन। बे भक्सिन डिलिभारि सिस्टेमखौ गोखौ खालामनो थाखाय आइसिएमआरआ सिगाडवनो आइआइटी कानपुरजो लोगोसे गोरोबलायनानै ड्रननि मदतजो मुलि सौहैहोनायनि हाबाफारिखौ नायबिजिरखांबाय। बेखौ नोजेर होनानैड्रनजो भेक्सिन सौहै होनो थाखाय टेन्डार फोसावनाय जादो।

गाहाय मन्थि मदिआ यगी आदित्यनाथनि बेरेखाफोरनो खौरां होदों संसदनि दैज्लां बोथोरनि बाजेट जथुम्माया जुलाइयाव जागोन

गोदान दिल्ली, 14 जून: उत्तर प्रदेशनि गिबि मन्थि यगी आदित्य नाथखौ लानानै जुन दान हाबजेन्नायनिफ्रायनो आसा खालामनाया सोलिगासिनो। गिबियाव लक्ष्मोआव बि जे पिनि महा मन्थि बि एल संन्तषखौ आरो उनाव दिल्लीआव फैनानै आदित्यनाथनि थादनाय गैयै जथुम्मा एबा सावरायनायाव बाहागो लानाया बेखौ गोखौंसिन खालामदों। गाहाय मन्थि मदि, नखर मन्थि शाह आरो जेपी नाडुजों यगीनि लोगो हमनायफोरखौ लानानै आसा खालामनाय जादोंदि, मिरुआ यगीनि बबेबा बाश्राखौ लानानै गोजोन्नाय मोनाखै। बेनि अनगायैबो राइज्योनि दैदेनगिरिफोरनि गेजेरावबो



बिखौ गोजोन्नाय गैयै बाश्रा बुंदों। नाथाय गाहाय मन्थि नरेन्द्र मदिआ गिबि मन्थि यगी आदित्यनाथनि सरकारखौ बाख्नायदों। मदिआ इड पि सरकारनि गागि नोगोरारिफोरनि थाखाय जागायनाय हेल्पलाइन सिबिथायखौ बाख्नायदों। बेनि

सायाव गाहाय मन्थिआ बेखौ मोजां नाजानाय होन्ना दुइटाव बुडो। अदेबानि बे दुइटाव मोनसे स्कीमखौ लानानै होनायमोन, नाथाय मानिनानै लानाय जादोंदि, बे खौराज यगीनि बेरेखाफोर आरो बाश्रा बांसावला

बायग्राफोरनो खौरां होनो नाजानाय। मदिनि बे दुइटाव लानानै बुनायबो जादोंदि, बियो बेखौ इसारा होनो नाजादोंदि, इडपि सरकार आरो मिरु सरकारनि गेजेराव गासैबो गाहामेनो दं।

गोदान दिल्ली, 14 जून: मिरु सरकार जुलाइ दाननि गेजेरनिफ्राय संसदनि दैज्लां बोथोरनि बाजेट जथुम्माखौ खुनो थियारि खालामदों। फारसेथि संसदनि समिटिफोरनि खामानिया 16 जुननिफ्राय जागायनो हागौ। मख 'जाथावदि, संसदआव थावथानानै थानाय 40 नि बांसिन बिल आरो मोन 5 बिथोनफोर नरेन्द्र मदि सरकारनि बिलनि एजेन्डाफोर बेयाव सावरायजागोन होन्ना बिबानगिरिफोर खौरां होयो। बेयाव गाहाय उरां गाथोनफोरखौ रेजिस्ट्रेसन खालामनो थाखाय मोनसे बिल, बिमा-बिफा आरो गागि नोगोरारिफोरनि जौगाखानायनि थाखाय थांखि



लाखानाय आयेन, उन्दै गथ 'सरेखाथि नेमखाथिखौ गोखौ खालामनाय आरो दरसे राइज्योनि दै जेना सुखांग्रा समिति गायसन्नायबो दंफायो। मख 'जाथावदि, सिगाडाव मोनथाम संसदनि जथुम्माफोरखौ करनानि जाहोनाव गुसु समावनो

फोजोबनो गोनां जादोंमोन। फारसेथि मोनैबो सदनि गोजं बोथोरनि जथुम्माखौ केन्सेल खालामनो गोनां जादोंमोन। सरकार करनानि नैथि दोहौआ लासै जाबोनायखौ नोजोर होनानै सरासनसा हाबाफारि बादियै जुलाइयाव संसदनि दैज्लां बोथोरनि बाजेट जादों।

जथुम्माखौ जागायनो थांखि लादों, संसदनि सासे गागि बिबानगिरिया बुडोदि, कभिड-19 नि केसफोर जाहाथे फिन बाययनो हागौ जेनाखौ नोजोर होनानै दैज्लां बोथोरनि बाजेट जथुम्मानि थाखाय थि समखौ रोखा खालामनो गोसो जादों।

लामानि जाब्रथायजों सनजित नार्जारिआ अबथिरायै जिउ गोमादों

कक्राझर, 14 जून: कक्राझर जिल्लानि बेन्दोंआव थानाय गसाइगाव थानानि सिडाव थानाय लुसुतबिल गामिनि थागिबि मुसि सनजित नार्जारिआ थानाय 2 मार्च, 2021 इ माइथायाव लामानि जाब्रथायजों अबथिरायै जिउ गोमायो। मख 'नो गोनांदि, 2 मार्च, अक्टखालि रंसारि सनजित नार्जारिआ रामफलबिल आधियाबारि गामियाव गावनि बिगुमैनि सारदुआव थांदोंमोन। नाथाय दुखुनांथाव बाश्रादि, सारदुनिफ्राय न 'फारसे स्कुटिजों फेबाय थानाय समावनो रामफलबिल थिनिआलि आव उनफारसेनिफ्राय 'खारबोबाय थानाय गंसे हुनइड भेन गरि WB-74BA/5540 नम्बरनि गरिआ उन्थिनफ्राय गोबारै सौगावनायनि जाहोनाव सनजित नार्जारिआ जायगायावनो जिउ गोमायो। थैनाय समाव बिथांडा गावनि आंगो बिसि मुन्जु नार्जारिजों लोगोसे साथाम फिसान्जाफोरखौ बे मुलुग संसारफ्राय अराय समनि थाखाय नागारलाडो।

सशेल मिडियाआव बिखानि डाक्टर मोनो, फाहामथायनि मुडव आइजोफोरनिफ्राय 80 लाख रं लुटियो

गोदान दिल्ली, 14 जून: बेंगलुरुआव सासे 50 बोसोर बैसोनि रान्दि आइजोनिफ्राय 80 लाख रं लुट खालामनायनि केसआ नुजाथियो। गावखौनो इडकेनि कार्डियलजिस्ट होन्ना फोरमायनाय दायनिगिरि आरो बिनि हे फाजाबगिरिफोरा आइजोनिफ्राय लुटियो। बेंगलुरु मिररनि मोनसे रिपर्टनि बायदिब्ला, अजद दिखांग्रा आइजोआ सासे हार्ट पेशेन्ट। बियो गावनि फाहामथायनि थाखाय माभिस हर्मन मुनि

इनस्टाग्राम एकाउन्टनि गेजेरजों दायनिगिरिजों सोमोन्दो लाखिदोंमोन। आइजोआ गावनि अजदआव बुनाय बायदिब्ला, थानाय 13 जानुवारीआव इडकेआव थानाय माभिस हर्मन मुनि सासे कडियलजिस्टनि इनस्टाग्राम प्रफाइल मोनो। हार्ट पेशेन्ट जानायनि जाहोनाव आइजोआ बिजों फाहामथायनि थाखाय सावरायनो जागायो।

सानसेखालि माभिसआ आइजोको करियरनि गेजेरजों मोनसे सारप्राइज गिफ्ट दैथाय हरदों होन्ना फोरमायो। बेनि उनाव आइजोको दायनिगिरिनि हेफजाबगिरिफोरसो दिल्ली एयारपोर्टनि कार्टम बिबानगिरि जानानै फन खालामो। बिसोर आइजोको बिनि मुडव फेनाय गिफ्ट बक्सआव 35,000 पाउन्ड रं मोन्दों होन्ना फोरमायो। लोगोसे बिसोर आयेन बायदियै

गोदान दिल्ली, 14 जून: लासे-लासे मौसुमि बोथारा हादतनि ख'ना-खनला सौहैनो हमाबाय। थानाय 3 जुनआव केरेलायाव सौफेनायनि उनाव गुबुन राइज्योफोरारवबो अखा हाजेनखांबाया। खोला भारतआव मौसुमि बोथोरनि अखाजों जैखो सिग्लाब जोबखानायनि महाराष्ट्रआवबो रोजा अखा हानानै जैरेबो गिसि थासारि जादों। जायनि उनाव सुबुंफोर



चन्डीगड़आव अखा आरो बारहुंखा बारनाया 16 जुनसिम बारगोन। बोथोर बिफाननि हमादनाय बादिब्ला फेगौ 48 घन्टनि गेजेराव बेफोरारव माखासे जायगाफोरारव 6-7 से:मि: आरो माखासे जायगाफोरारव गेसैं अखा 1-3 से:मि: हानो हागौ। बे समाव जायगा-जायगा अखा मोफ्लामनाय आरो गोखे बार बारनायजों लोगोसे अखा खोरमनोबो

हागौ। इारखान्डाआवबो मौसुमि बोथोरा सौहैखांबाय। बेयाव जोमै साग्लोबनानै दं। बंगप लै थोमा सेरनि बोरिमायावबो मौसुमि बोथोरनि अखाया सौफे खांबाय। इडपिनि बरेलीयाव जोमै साग्लोबनानै गोबां अखा हागासिनो। बोथोर बिगियानगिरिफोरनि बादिब्ला फेगौ सान बैसिम अखा हाबाय थानो हागौ।

इज्राइलनि गोदान गाहाय मन्थि नफ्ताली बेनेटनो पिएम मदिआ हामलायथि बाउहरदों



गोदान दिल्ली, 14 जून: इज्राइलनि गोदान गाहाय मन्थि नफ्ताली बेनेटनो पिएम मदिआ हामलायथि बाउहरदों। अदेबानि नफ्ताली बेनेटआ थानाय रबिबार खालि इज्राइलनि गाहाय मन्थि मासिन थाखाय समायखिरा लायो। बेजों लोगोसेनो मुलुग नाडेनिफ्राय बिथानो हामलायथि बाउहरनायाबो जागायो। बेनि गेजेरजों गाहाय मन्थि मदिआ बुडोदि, जों फेगौ बोसोराव राजखाथियारि सोमोन्दोफोरनि 30 बोसोर आबुं जानायनि फोरबो फालिगोन। जों दरनै हादतजों गोरोबलायनानै फारनैथिनि सोमोन्दोखौ गोखौ खालामगोन आरो लोगोसेयैनो खामानि मावगोन। बे समाव मदिआ इज्राइलनि गाहाय मन्थि नफ्ताली बेनेटजों लोगो

हमनायनि बाश्राबो बुडो। बेरा फारसे आगुनि गाहाय मन्थि बेन्जामिन नेतन्याहुनि हाबा मावनाय समा जोबनानै फेबाय। मख 'नो गोनांदि, इज्राइलनि सा 120 सोद्रोमायारि संसद 'नेसेट' आव गोदान सरकारनि सायाव मैया जालानाय भटआव सा 60 सोद्रोमा बिथांनि बाहागोयाव आरो सा 59 सोद्रोमाफोरा हेंथायै भट होयो। बे समाव सासे सोद्रोमानि थाखायनो बिथांडा देरहासादनो हायो। गोदान सरकारव सा 27 मन्थि दड; जायफोरनि गेजेराव सा 9 आइजोफोर दडहोन्ना सुलुडव मिथिहोनाय जायो।

गाहाय मन्थि जानायजों लोगोसेनो 12 बोसोरनिफ्राय गाहाय मन्थि मासियाव थाबाय थानाय काबिज बेन्जामिन नेतन्याहुनि हाबा मावनाय समा जोबनानै फेबाय। मख 'नो गोनांदि, इज्राइलनि सा 120 सोद्रोमायारि संसद 'नेसेट' आव गोदान सरकारनि सायाव मैया जालानाय भटआव सा 60 सोद्रोमा बिथांनि बाहागोयाव आरो सा 59 सोद्रोमाफोरा हेंथायै भट होयो। बे समाव सासे सोद्रोमानि थाखायनो बिथांडा देरहासादनो हायो। गोदान सरकारव सा 27 मन्थि दड; जायफोरनि गेजेराव सा 9 आइजोफोर दडहोन्ना सुलुडव मिथिहोनाय जायो।

करनाया सुबुंनि देहायाव गुन्द्रासा बमा बायदि गाग्लोबो

गोदान दिल्ली, 14 जून: करना बेरामिफोरनाव ब्लेक फंगासनि उनाव आरोबो मोनसे गिदरि जेनाया बांदों आरो बेनो जादों लाना कभिडआ ब्रिटेनआव गोदान नायबिजिनारयनि बायदिब्ला करनानि इनफेक्सन जानाय गासै 10 जौखोन्दोनि सुबुंफोरनाव गोबाव समसिम जेनाया थाबाय थानो हागौ। लाना कभिडनि ऑथिया बेनोदि, करना इनफेक्सनआ जोबखानायनि उनावबो सोलिबाय थानाय। मोनसे रिपटआव ब्रिटेननि अ एन एसआ 20 रोजा इनफेक्सन जानाय सुबुंफोरनाव नार्यबिजिनारयनि मोन्दोंदि, 13.7 जौखोन्दो सुबुंफोरनाव 3 दाननि उनावबो लाना कभिडनि लोक्षोनखौ मोन्याय जादों। बेवहाय बांसिन लोक्षोनआ करना बायदिनो जायो जेराव

देहायारि गाहाम नडे, मेंनाय मोन्याय, गोरान गुजुनाय, हां लानायाव जेना सोमजिनार, खर'सानाय आरो मोदोम बेदरआव सानायखौ मोन्दोंथिनारय बायदिया दंफादेरो। इडनिभासिटी केलेज अफ लन्डनआ लाना कभिडनि 3500 बेरामिफोरनाव गासै 250 रोखोमनि लोक्षोनखौ नट खालामदों, जाय 6 दानसिम सोलिदोंमोन। आथिखालआव करना टेस्टआ नेगेटिभ जायो। अ एन एसनि बादिब्ला इनफेक्सन जानाय सुबुंफोरनि गेजेराव 10 जौखोन्दो सुबुंफोरनाव लाना कभिड जादों जायनि समआ 6 दान एबा बेनिफ्राय बांसिन जायो। आथिखालाव 3 दानसिम बेबायदि लोक्षोनखौ गोबां सुबुंफोरनाव मोन्याय जादों।

भारतीय फरायसाफोरनि भिजानि थाखाय आमेरिकाया गोखौं हाबा मावदों



गोदान दिल्ली, 14 जून: भारतआव थानाय आमेरिकानि थान्दै मावख'आ जुलाइ आरो आगस्त दानआव हानायमानि बांसिनै फरायसाफोरनि भिजानि सांग्राडै हाबा मावदों। थान्दै मावख'आ बुंदोंदि, भारतीय फरायसाफोरनि मोगा-मोगि लानाया थाबेनो जागायगोन। आमेरिका थान्दै मावख'नि बिबानगिरि हेफालिनआ बुंदोंदि, आमेरिकायाव थानो गोनां फरायसाफोरा हादतआव हाबनो थाखाय भेक्सिन थुजानायनि जायखि जाया फोरमाननि गोनांथि जानाय नड। बिसोरो खालि गावसिनि दावबायनाय समसिमनि 72 घन्टनि गेजेराव बानायनाय करना टेस्टनि नेगेटिभ रिपर्टनि' गोनांथि जागोन। अदेबानि करना भाइरासनि जाहोनाव होबथानायफोरनि थाखाय गोजू सोलेंथाय लानो थाखाय आमेरिकायाव थानो गोसो जानाय गुन गोनां फरायसाफोरा भिजानि इन्टरभिड होनो थाखाय जेनायाव गोरलैना थानादों। हेफालिनआ सोंथि सानायाव बुडोदि, फरायसाफोर आरो बिसोरनि नख 'रफोरनि जेना जानाय आरो जिंग सिनायखौ गावसोर मिथिनो हादों। आमेरिकाया 1 आगस्त एबा बेनि उनाव सोलेंथाय हाबाफारिखौ जागायफिनो हागौ आरो बेनि थाखाय आमेरिकायाव सोलेंथाय लाहैनो गोसो गोनां सुबुंफोर सोलेंथाय लानो बोसोरनि हाबाफारिया जागायनायनि 30 सान एबा दानसे सिगांयावनो बैयाव थानो हागोन।

साइबर क्राइम हान्जानि सा 12 पुलिस मावसुमाफोरनि हेंथायै बुथारनायनि केस थिसन्दों

फरिदाबाद, 14 जून : हरियानानि नुन्हनि बिछर थाना पुलिस आ थैनाय जुनेदनि बिमानि अजद होनायाव फरिदाबाद साइबर क्राइम सेलनि सा 6 सुबुंफोर आरो गुबुन सा 6 पुलिस मावसुमाफोरनि हेंथायै



बुथारनायनि केस थिसन्दों। जुनेदनि थैनायखौ लानानै थानाय नै साननिफ्राय पुन्हानायाव दावराव दावसिया सोमजिदों। थैनाय जुनेदनि बिमा खतीजानि फारसै बिछर पुलिस थानायाव थिसन्नाय अजदलाइयाव

फोरमायनाय जादोंदि, 31 मेनि मोनाबिलियाव फरिदाबाद साइबर क्राइम सेलनि हान्जाना जमालगडुनि थागिबि जुनेद आरो नदीमनि थागिबि नडखौ सुन्हेडा सिमानि खाथिनफ्राय गावसोरनि गरिआव सोनानै

गावसोरजों लोगोसे फरिदाबादआव लानानै थादोंमोन। खतीजाया फोरमायदोंदि, गागिमि इरसादजों लोगोसे गुबुन सा 3 सुबुंफोरखौ फरिदाबादआव दैथायहरदोंमोन। दाय जाबसिन्नाय जादोंदि, साइबर सेलनि साब इन्स्पेक्टर राजेश कुमारआ 70 रोजा रं लानानै नदीमखौ ह गारहरदों। खतीजाया फोरमायदोदि, नदीमखौ हगारनायनि सिगां आगुनि लेखा बिलाइयाव मुंसाइ होनायनि उनाव जायखि जाया रोखोमनि पुलिसनि हेंथायै

अजद होनाय आरो मेडिकेलजों नार्यबिजिर होनायनि सायाव नख 'रनि सुबुंफोरखौ केसआव थाबथाहोनायनि हु मखि होदोंमोन। खतीजानि बायदिब्ला जुनेदनि देहाया लान्थियै गात्रि जानायाव जुनेदआ फोरमायदोंदि, साइबर सेलनि पुलिस हान्जानि साव इन्स्पेक्टर राजेश कुमार, सरजीत, थाना एसपि बसन्त कुमार, एएसआइ नरेन्द्र जाबेद आरो हावलदार नरेश कुमार, दलबीर सिनि अनगायै 5-6 पुलिस मावसुमाफोरनि हरसे गात्रि रोखोमै बिखौं बुग्लिदों।

Office Order No. SI/7/110/Pt-III/2019/18

NOTICE

This is for information of all concerned that due to prevailing COVID-19 pandemic in Assam the last date of receiving of tender papers against NIT No. SI/7/110/PtIII/2019/13, Dt. 05-05-2021 is hereby extended up to 21/06/2021. Detailed particulars of NIT, terms & conditions and tender papers may be obtained from the office of the undersigned on payment of Rs. 300.00 (Rupees Three Hundred) only for Class-I and Class-II category and Rs. 200.00 (Rupees Two Hundred) only for Class-III category contractor in cash (Non-refundable) during office hours in all working days up to 19/06/2021.

Sd/-
Executive Engineer
Sukla Division (Irrigation)
Goreswar, Baksa, BTAD

JANASANYOG/C/993/21

नेनानै दड़ आं

खुलुमनाय सिबिनाय नाजाव
नैबे आंनि लिरनाय दानसेनि उनाव
नोंनिसिम आंनि गांसे लाइजामसो;
नाजावदों दोंसे खन्थाय महरै ।
बावगारनो नाजादों रजे नोंडे आंखौं
जिउनि लामा ससेनि आंगो लोगोरिखौं,
बेनि थाखाय जानो हाया रावदा दायनिगिरि
रिफिनायसो बियो खाफालनि खाफालनि फारि फारि ।
लोगोसेयै जों गारबोनाय घन्टा, मिनिट आरो सेकेन्डखौं
हायाखै नागरना थानो बै...समफोरखौं;
हगारदोंमोन जुथायै बायदि मैया गोसोखां जाथाव
दुखु-हांमा, सुखु-रंजा बायदि फावनि भाव ।
दिन्थिबोबाय गसिबो गसायनि थिनहरनायाव
स 'फैबाय नाथाय आं दिने गुबन राइजोयाव;
जोबोद जानगारवसो बे रायजोआ जेराव
बुहुमाव सुबुड नुयो जायखौं सिमाडव ।
दाखालाम नोडे गोसो सोलेरखौं लोरबां
नाजागोन मावफुंनो गाहाम हाबा गोबां,
सैथो लामाजों बान्थाखौं मोनगोन जेब्ला
फोथायगोन अनजालिनि बोसोरखौं अब्ला ।
आजिरा मोनगोन जेब्ला भावथिना मुलुगनिफ्राय
लाबोफा गोसोआव रादाइ,
अन्नायनि जलंगा दानाय बिलिरनाय
नेनानै दड़ आं हारसिडै नों फैगोन लामाजों ।

मुसि पबित्र बसुमतारि
थाखो-9 (गु)
गामि- सा सिजुगुरी (हालांबाजार)
जिल्ला- कक्राझर, बिटिसि (आसाम)

गोरोन्थिया सोरनि

माया गोनां नोंनि बे अननाया
बुजिस ' हाया नोंनि बे अननायखौं
मोनथि मोना नोंनि बे नेवसिनायखौं ।
मावफलांखो आं मा गोरोन्थि नोंनि सायाव ?
सानब्लाबो सानस ' हाला
बुजिनो सानब्लाबो बुजिनो हाला
आंनि बे हास्थायसुला गोसोया ।
बुलावबो जाफलांदोंब्ला माबाफोर गोरोन्थि
होदो आंखौं निमाहा
नाथाय.....
नोंदि थाखो मुसुखा बायदि
आंनि साखाथियाव,
मोनथि मोना होखो नों मानो आंखौं साजा
जायनि जाउनाव जानांबाय आं रोनाव फाग्ला ।
नोंखौं लानानै सुजुदोंमोन
बेसेबांदि दुखु-सुखुनि, खन्थाय-मेथाय
बै समनि गोदैं गोदैं रावफोरा
आंनि गोसो गोरबोयाव बेरखांफैबाय थायो
जाय समाव लादोंमोन नों इसोरनि सेराव
गोथार अननायनि सदबांसा ।
सिमां आंनि नोंखौं लानानै नुनाय
गंसे गोजोन देरा लुनो,
जाय देरायाव थागोन जों सानैनि अननाया
अराय सम..... ।
जाय अननाया सानसे समाव बिबार बारनानै
गोसारगोन मिथिंगाखौं बजबनानै,
नुगोन जों सानैनि अनलायनायखौं
बे गुवार सोमखोर मिथिंगानिफ्राय
समायनासिन ।
नुनाय नोंखौं लानानैदि बेसेबां मिजिं
जाय मिजिंफोरा दिने,
साथ ' लैथोमानि रुंगुयाव
थेर-बेथेर बायगिलनानै बोहैखारलांबाय ।
होखो नों आंखौं मानो जालाखार ?
गसाइया सोरजि हरदों आंनो मोनसेल ' गोसो
जाय गोसोयाव दं नोंनिनो थोजासे अननाय ।

जयसरन नार्जरी
इ.एन एकादेमी, कक्राझर
गामि- दंफांबारि

अन्नानै

अननानै नों आंखौं दिने
सुदेमै उन्दुनो हो देरा सिडव
गोजोन जालांथों बिखाया अरन बादि ।
अननानै नों जैरै फैदों बिथिनो थांफिन
दा थद ' बै नोंनि हास्थायसुला आगाना
आंनि देरा सेराव दान्दिसेबो ।
अननानै नों दिने दा रोजाबफै
आं मोजां मोननाय गोरबोनि सल '
मानोना आं सिरि मोनखांगोन देरा सिडव
अननानै नों दिने आंनो
दा फोरमाय गुबै सैथोनि बाश्ना
मानोना नों गोरबोजों नाखेब जानायसो ।
अननानै नों आंजों दा नुजाफै
आंनि गोरबोआ जुजायनि अर बादि
दोहो-दोहो खामगिलगोन ।
अननानै नों दिने दा गोसोखां
आंनि बुनाय बै रावफोरखौं
मानोना आं दुखु मोनफलांगोन ।

मिजिं बसुमतारि
गामि- कलबारि
ला:सो- सिदली (चिरां)

अनसायदो आफा आंखौं

हे आफा आनान गसाइ सोरजिगिरि
रैखा खालामदो आफा आंखौं ।
मा साव सारनानै होखो नों आफा
आंनि बे आगोमा जिउ थासेयाव
मा गोरोन्थि हाबा मावफलांखो
आफा आं नोंनि बेरेखायै
मा दायनि साजा होखो नों आफा
आंनि बे दुखुथिया जिउयाव ।
अनसायदो आफा अबं गसाइ
आंखौंबो असे फिसा साननानै ।
हे आफा आनान गसाइ सोरजिगिरि
नोंनि अननाययावनो आं बे संसाराव
सासे सुबुंनि महराव जोनोम मोन्दोंमोन ।
नाथाय मानोथो होबावखो आफा
आंनि हावरिया जिउयाव साद जारला ।
रैखा खालामदो आफा आंखौं
साद जारला आफोद खैफोदिनफ्राय ।
आं अरायबो नोंखौंनो फुजियो आफा
जरासे आगोमा आखाइ खबजबनानै
दामुगै आफा आंनि खुलुमनाय
दा नायखलें आफा आंनि बोर बिनाय ।
दुखुथिया जिउनि आफा आंलाय
मा होनो रोंनो आं नोंनो
गैखाया आंहा जेराव जेबोयानो
नाजावदो आफा नों बेखौंनो ।
अराबो फुजियो आं नों आफाखौंनो
बोर होदो आफा थानानै थानो
बोर होदो आफा आंनो जिउ दालांनो ।

मुसि जयन्थ बहम
थाखो- बि.ए.
गामि- सान्जा भद्रानपुर (बिसपुरी)

फैमाल जुलि

अनजालि थावसि
नोंखौं मोजां मोननानै
आबथान सोखादों मोनआं
आसान थेबबाय मोन ।
जिउनि थैस थांसनि थाखाय,
नामजारि खालाम खादों मोन आं
नाथाय खालामबायनों
बे संसाराव गोदाउ सोराव
आंखो गारनानै गुबुन-
जोहोलावजों हाबा जाहैबाय नों थावसि ।
नुवाय दा आं नोंखौं निसा जायो-
जायो खानाय मेराय मेराय
बिमा बिफा रायखां रायखां बुजाबाव नों
दासो गोरबो गावलां नांबाय ।
आंखौंसो फसथाय फिनबाय नों थावसि ।
आंबो नोंखौं लाफिनो हाला
नोंखौं लानांगौब्ला,
बेवआयखौं हाबा लांगोन आं थावसि ।

मुसि थुलुंगा दैमारी
जिल्ला-कक्राझर, बिटिसि

रंजालि गथ' फोरनि सौरा

नोंनि थाखाय

गोसोयाव साननो नोंखौंनो लानानै
अराय आलो गोजोन संसार जालांनो ।
नाथाय खाफालावबा मा रिफिगोन ।
हाथासि लामायाव
नेनानै दं आं दाबो नोंखौंनो
फैगौबा जिउ देरनि लानांगोना मोखाडव ।
नाथाय फैयो नों मानो आंनि जिउनि लानांगोना सेरजों
नाथाय मानो मुगैनानै थाफिनखो नों
आंनि जिउनि देराखौं ।
सान्दोंमोन आंनि जिउनि देरायाव
खालामनो नोंखौंनो
इयुन जिउआव नखरनि गारजेन ।
नाथाय बियो आंनि फैमाल जालांबाय ।
मोबारै सुफुं बावगोन आं
नों आंनि हास्थायसुलि हाबिला गोसोखौं ।
मा गोदान मिजिनि गोदान सिमां नुबावनो आं ।
नोंनोमोन आंनि इयुन लामानि
फैफिनो नों अनजालु आंनि खाथिया
बोजबगोन आं दाबो गोसोयोथारै
नोंखो आंनि बिखा गोजेराव ।
गाबो बिखा नोंखौं मोजां मोनायाव
नाथाय खुगाया गैयामोन
नोंखौं लोगो मोनानायाव

मिस सुमिता नार्जरी
उमानन्द गोर्जा फरायसाली
थाखो-10 (जि), हालांबाजार ।

सम सोलेर

हेमाश्री मुसाहारी
उदालगुरि

बिखा गेजेरनि लावथि गंसेखौं
बुज्राम बुज्राम होखो होखो
दिंनोल ' मोखां फारसे,
मैनाय गैयै बानाय गैयै
आंनि गैयै नोंनि गैयै
रावखौंबो रावजोंबो
गान्थि नाडै हमथानाय गैयै जासे ।
सुबुंनि होसोनाय
हांखुरै मोन्नो नागिरनाय....
अखाफोर गोरलैनि आथुरै देरबोनाय
नेब्लाबो नेस ' हायै
जावले जावले दाख्रायनो
सोदोबनि दौलेंआव आन्दयलानाय ल',
जान्जि बुझा बुझा गान्थि खाखोनाय
ड ' मोदसे मेंहामनाय हां गोलाव
देहायाव हाब्लाबो बोग ' हायै
लोरलानि फेफोना देहानि सिंआव ज ' रा लानाय
बुन्थासे अरजों सावजा सावजा
समजों खामगिल लानाय....!!
दोरोदगासे गोलैसे सिखारसे
दसे सानहाबसे
आरो खारनगासै,
फैलाय थालाय फैलाय थालाय
समनिनो दोरोदगासे ॥

सुंद' सल

गोदो-गोदाय

दाबसे जायगायाव बावखुंनि
मुनि हाजो दरसे दंमोन । बेनि
खाथि-खाला सोरगिदि गोबां
बर ' गामि दंमोन । बेनिनो
दरसे गामियाव सान्दो
बावदिया मुनि सासे सुबुं
दंमोन । गिवियाव बिनि मुड
सान्दोसोमोन । सान्दोआ बाश्ना
फोरखौं थाव थाबनो
बावगारनायखाय बिखौं
लोगोफोरा सान्दोजों लोगोसे
बावदिया दोनफा देरनाय
जादों । उनाव बिखौं बयबो
सान्दो मुडैबो गाबजिनाय
जादोंमोन । बिदिनो बिनि मुड
' सान्दोनिफ्राय ' सान्दो
बावदिया जायो । सान्दो
बावदिया जोबोद मोजाडै
सेरजा दामनो रोंगौमोन सेरजा
दामै दामैनो बियो गावखौंनो
गाव बावगोमा ' लायोमोन '
गोदोनि समाव बर ' फोरा
हाजो-हाला, हाग्रा-बंग्रा
बिलो-बिलोमा, दैमा
दैसाफोराव थानानै मैहुर
खालामनानै आरो ना हमनाय
हुदा दंमोन । बिदिनो हाजो-
हाला, जाहारबारि फोराव दंफां
दाननो थानाय हुदाबो दंमोन ।
बिदि खामानिआव बिसोर
' बाद लुनानै गोबाव सम
थायोमोन । बिदि बादयाव
थानानै दंफां दानग्रा
सुबुं फोरखौंनो बादारि
बुडैमोन ।

सानसे खालिनि
बाश्ना सान्दो बावदियाखौंबो
दाफादारआ गामिनि लोगोसे
दंफां दाननां लांफायो । जाहार
बारिनि दाबसे मोजां
जायगाखौं सायख ' नानै
बिसोर बाद लुदोंमोन ।

सान्दो बावदिया

बादानि सेरजोंनो देसा मोनसे
बोहैलांदोंमोन । फुजा सानजा
जाहो-लेंहो दाफादारआ
बयखौंबो दंफां दाननो
लानानै थाडो । नाथाय सान्दो
बावदियाखौं बाद नेग्रासो
खालामो । दाफादारआ
थानायनि सिगां सिगां सान्दो
बावदियाखौं खालाइ थोरसि
ल ' था सुप्रानानै सोरां-बारांनो
मोनानि ओंखामखौं संना
दाननो थिनलांदोंमोन ।
खालाइ थोरसि-लथाखौं
नाथाय दैसानि देआव सुसोम
नाडा होन्नानै
थिनहरो ।
सान्दो
बावदिया
नाथाय

रानलानाय दैसानि
अन्थाइयाव जनानै गावनि
गोसो मोदायखौं सुप्रिहरो
आरो सेरजाखौं दामनो
ह्मो.....ग.....ग.....ग.....ग.....ग
सान्दो बावदियानि सेरजा
दामनायखौं खोनानानै
जाहारबारिनि बिफां-लाइफां
जिब-जुनात गासैबो गोमो
हाबजोबो । दैनि मोदायजो दै
खुंग्रियाबो गोजोनो आरो
उनाव रानलानाय दैसानि
दैखौं बोहैहोफिनो । लोगोसे
दै खुंग्रिया गावबो नुजाथिनानै
सान्दो बावदियाखौं बुडो

“नोंनि सेरजानि
दैलो दंखोजों
गोसो गोथौयै
आरो
निस्थारै
असम्भर
आ ।
जुगैब्या ।
नाथाय
खोनासं
बावदिया,
ब

हुदाखौं दिनेनिफ्राय गारदो ।
नोंनि सेरजानि दंखोयाव
अराय जै ' जाथों ! ' ' बेबादि
बुंनानै दै खुंग्रिआ स्रोद
गोमोरलानायसै । दंफां
दानखानानै बादसिम फैनाय
बादारिफोराबो दै खुंग्रिआ
बुंनानय बैफोर बाश्नाखौं
खालामफैयो आरो बिसोरो
गिखानाय मोनो । गावसोरनि
गोसोफोरखौं गिलिर
मोनखाडो । उनाव बिसोर
अब्लासिम सेरजा दामबाय
थानाय बावदियाखौं लोगो
लायालासिनो जाहार
बारिआव नागरनानै स्रोदयै
फैखोमायो । सान्दो बावदिया
जाहारआव हारसि जायो ।
उनाव बियो फैनानै बावखुंग्रि
हाजोआव फिसा देरा लुनानै
बैयावनो हारसिडै थानो
लायो । बै जाथाइनि
उनिनिफ्रायनो सान्दो
बावदियाया सेरजा दामै दामै
गावखौंनो - गाव
बावगोमानानै थाग्रा
जालांदोंमोन ।

बेबादिथैनो सान्दो
बावदियाया बावखुंग्रि
हाजोयाव बेसेबा गोबाव
दंमोन आरो बियो सम सम
गामिआव गिदिफैयोमोन ।
जोब्बाय !

मुसि पबित्र बसुमतारि
फरायसालि- उमानन्द
गोर्जा फरायसालि
थाखो- गु (9)
गामि- सिजुगुरी (हालां
बाजार)
बैसो- जिबा (15) ।

(1 बिलाइनिफ्राय)

(1 बिलाइनिफ्राय)

(1 बिलाइनिफ्राय)

बिमा-बिफा गोमाजानाय साथाम बिब'-बिफफोरनो फिनसुंथानि राहा होनो बाक्सानि फरायसा आफादा सरकारनिसिम खावलायहरदों

बिफा गोमोजानानै राहा गोथेजादों साथाम गथ'फोरा। गुबुन फार्सेथिं बुरै बैसोनि बिबैयाबो केन्सार बेरामजों भुगिनानै दड'। बिमा-बिफा खोमानानानै राहा आन्दायनाय साथाम मावरिया बिब'-बिफफोरनि थाखाय फिनसुंथानि राहा खालामनानै होनो थाखाय आसामा गिबि मन्थिनिसिम ओन्सोलनि सुबुंफोरा खावलायहरदों। गुबुन फार्सेथिं बे जाथायनि बागै खौरां मोन्नानै दिनें बाक्सा जिल्ला फरायसा आफादनि मोनसे थान्दै हान्जाया दुखुथिया नखराव दावबायहैयो। लोगोसे फरायसा आफादआ आसामनि गिबि मन्थि ड॰ हिमन्त बिश्व शर्माखौ मोननो हाथावनानि बिथायाव सोलेंथाइ गोनां देरसिन फिसाजोनो सरकारि महरै फिनसुंथानि राहा खालामनानै होयोब्ला गुबुन सानै गथ'फोरनि सोलेंथाइनि बिथिडव आरो नखर सामलायनो हानायनि राहा खालामनानै होनानयनि थाखाय खावलायहरो ॥

देहायाव सम्बुक बायदि लहा बेसादफोरा बोखथाबो बिजनीनि सासे सुबुंनि देहायाव

जादों, बेबादि देहायाव लहा थाखोनि मुवा-बेसादफोरा बोखथाबनाया कभिड भेक्सिन लानायनि जाहोनआव जादों होन्नानै गोसारदोंमोन। नाथाय कभिड भेक्सिन लानायनि जाहोनाव बे रोखोम लहा मुवा बोखथाबदों होन्नाय खौराड थारैनो फोथायथावा। बेबादिनो एखे जाथाया महर मोन्दों चिरां जिल्लानि बिजनी ओन्सोलाव। बे जाथाया जादों चिरां जिल्ला बिजनी खावाटिकायाव। खावाटिकानि थागिबि एबा बिजनी बेटागाव नवारुल गोजौ फरायसालिनि बिगियान आयदानि फोरोंगिरि 48 बोसोर बैसोनि शिब शंकर अधिकारिनि देहायाव सम्बुकबादि लहा थाखोनि गासै मुवा-बेसादफोरा सिथाबनानै थायो एबा बोखथाबो। स्टीलनि सामुस, खुरै, खावरिफोरा देहानि जायखि-जाया बाहागोआव फोनांब्लानो बोखथाबो। मख'नो गोनांदि, दाननैनि सिगाडव शिब शंकर अधिकारि बिथाड कभिड भेक्सिन लादोंमोन। भेक्सिन लानाय सुबुंनि देहायाव सम्बुकबादि लहानि बेसादफोरा बोखथाबनाय एबा सिथाबनाय खौरां नुनानयनि उनाव बिथाडबो बे आन्जादखौ नायनायाव बिथानि देहायावबो सम्बुकबादि लहा थाखोनि जायखि-जाया बेसादफोरा बोखथाबनायखौ नुनो मोन्दों। फोरोंगिरि बिथाड फोरमायनाय बादिब्ला, बे आन्जादखौ नायनानै फोरमान मोन्नायाव जेबो गिखानाय मोनाखै। बे नुथाया ओन्सोलनाडै सोमोनांनय थासारि सोमजिहोदों ॥

गंसे गामियाव दान मोनसेनि गेजेरावनो सा 6 सुबुंफोरा गावनि जिउ फोजोबना लानाय जाथाया गामिनाडैनो गिखांनाय थासारि सोमजिहोदों

बे गामियाव सोमजिदों। बाक्सा जिल्लानि बागानपारा पुलिस थानानि सिडव थानाय बे गामिनि मुडनो जादों नयाबस्ति। माखासे नसुंसे गामिजों दाजानाय बे गामियाव आथिखालाव नुनो हायै गोहोखौ लानानै गिखांनाय थासारि सोमजिदों। थानाय दानसेनि गेजेरावनो बे गामियाव गावनि जिउखौ फोजोबना लानाय मोन 6 जाथायफोरा सोमजिदोंमोन। दानसे सिगां सासे बैसो जानाय सुबुड फासि लानानै गावनि जिउखौ फोजोबनाय जाथायनि उनावबो बे बायदि जाथाया सोमजिफलेबाय थाबोदों। थानाय शनिबारखालि फुंनि समाव फिन सासे 12 बोसोरनि गथ'साया फासि लानानै गावनि जिउखौ फोजोबना लानायनि उनाव आथिखालाव गामिनि सुबुंफोरनि गेजेराव गिखांनाय थासारि सोमजिदों। जायनि थाखाय मोनाब्लबो रावबो सुबुड गावनि न'निफ्राय बायह्तायाव ओंखारा। लाथियै गथ'साफोराबो फालिनानै गावनि जिउखौ फोजोबना लानाय जाथाया बांबोनाय जाथायखौ लानानै गामिनि सुबुंफोरा जिगांसिनांदों। गाव गावसिनि गथ'साफोरनि इयुनखौ लानानै जिंगासिदों दिथागिरिफोरा। शुनि नांदों नामा गामियाव ? ना भुट-प्रेत साग्लोबदों ? गामयारिफोरा सोंथि खालामदों। नाथाय सोर फिन्नाय होगोन, मानि थाखाय बेबायदि जाथायफोरा सोमजिदों। जेबो राहा गैया गामिनि सुबुंफोरनि गेजेराव ॥

आसामनि गुबुन गुबुन स्टेसनफोरनिफ्राय सा 9 हिन्जावसाफोरखौ उदां खालामदों

स्टेसननिफ्राय सासे उन्दै हिन्जावसाखौ उदां खालामदों। मिबथिनाय बादिब्ला, हिन्जावसाया न'नागारनानै गुबुन जायगायाव थानो ओंखारबोदोंमोन। हिन्जावसाखौ गसाइगाव महकुमानि सिडव थानाय फैलागुरि गामिनि होन्नानै मिबथिनाय जादों। उनाव आरपिएफ हान्जाया हिन्जावसाखौ बिफानो गथायहैफिनो। एरैहाय रडिया रेलवे स्टेसननिफ्रायबो आरपिएफ सांथिफोरा साथाम हिन्जावसाफोरखौ बोखांदों। बिसोरबो गावबा-गावनि न'नागारनानै गुबुन जायगायाव थानो होन्नानै ओंखारबोदोंमोन। एरैहाय आरपिएफ हान्जाया गुवाहाटी रेलवे स्टेसननिफ्राय सासे आलिपुरदुवार डिभिजनआव डिबूगड-निउ दिल्ली राजधानी एक्सप्रेस ट्रेनिफ्राय थानाय 12 जुनखालि साब्रै गथ'फोरखौ बोखांदों। बोखांनो मोन्नाय गासैबो हौवासा आरो हिन्जावसाफोरा 18 बोसोरनि गाहायाव। मख'नाय जायोदि, थानाय बोसोर 2020 नि जानुवारी दाननिफ्राय सोलिफु बोसोर 2021 नि मे दानसिमआव राइज्योनि दाब-दाब ट्रेन स्टेसन आरो ट्रेनफोरनिफ्राय गासै सा 403 गथ'सा आरो आइजोफोरखौ बोखांनो हादों ॥

आसामाव मोब्लिबयारि आयनि खहा जानायखौ दबथायनो गुजराटनि नेमखान्थिफोरखौ आजावनांगोन: गिबि मन्थि

खावनानै मोब्लिब बाहायनायनि जाहोनआव स्टे इलेक्ट्रिसिटी बर्डआ खहा जानाय जेनाजों मोगा-मोगि जानायनि फोरमायथिखौ मोन्नायनि उनाव गिबि मन्थि शर्माया बे बाश्राखौ फोसावथि होदों। गुवाहाटीनि बिजली भवनआव जानाय मोनसे मेलआव गिबि मन्थि शर्माया बुंदोंदि, राइज्योनि मोब्लिब खहा जानाय आरो मोब्लिबनि जेनाखौ फोजोबनायनि थाखाय गुजराट इलेक्ट्रिसिटी बर्डआ जोंनो बे आयदानि सायाव मोनसे प्रेजेन्टेसन होगोन। गुजराट पावार कम्पानीआ जेरैबादि फारिखान्थिजों गुजराटआव मोब्लिब जगायथाय आरो आय बोखांनायनि सायाव खामानि मावो बेफोर खान्थिफोरखौ आसाम स्टेट पावार कम्पानीफोरा आजावनानै लानांगोन होन्नानै गिबि मन्थिआ फोरमायबावो। गिबि मन्थि शर्माया दिनें बे आयदाखौ लानानैनो एपिडिसिएल, एइजिसिएल, एपिजिसिएल आरो मोब्लिब बिफाननि मावख'गिरिफोरखौ लानानै गोनांथारै मेल जथुमनाय जादों। बे मेलनि गेजेरजों मोब्लिब बर्डफोरा मिबथिहोनाय बादिब्ला, राइज्योआव मोब्लिब बिलखौ थि समाव होयै आरो मोब्लिब खावनायनि जाहोनआव दानफ्रोमबो 300 कौंटी रां खहा जायो। बे हिसाबै गिबि मन्थि शर्माया राइज्योआव मोब्लिबनि आय एबा मुलाम्फाखौ बांहोनायनि थाखाय मोनसे डिजाइन मडेलिटि खालामनो आसाम पावार डिस्ट्रिबिउसन कम्पानी (एपिडिसिएल), आसाम इलेक्ट्रिसिटी ग्रीड कर्परेसन लिमिटेड (एइजिसिएल) आरो आसाम पावार जेनेरेसन कर्परेसन लिमिटेड (एपिजिसिएल) कम्पानीफोरखौ बिथोन होयो। गिबि मन्थिआ बुंभावदोंदि, मोब्लिबयारि बिलखौ मुलाम्फा आरो बाहायनायनि सायाव मिरु खालामनानै थियारि कालामनाय जागोन। जुदि गोबां भल्टेजनि मोब्लिब बाहायगा ग्राहकफोरा गावसिनि होनो गोनां बिलखौ होयाब्ला बिसोरनि मोब्लिब बाहायनायखौ जेनेरेल कन्जुमारआव ट्रेन्सफार खालामनाय जागोन। मोब्लिब बर्डआ बे आयदानि सायाव थामहिनबा आय बोखांनायनि खहा जानायनि सायाव मोब्लिब बिफाननो रिपर्ट जमा होनांगोन होन्नानै गिबि मन्थि शर्माया फोरमायबावो ॥

चिराडव करना पजिटिभनि अन्जिमाया सा 1355 सिम जाहैबाय

गोबां सुबुंफोरा करनाजों गाग्लोबजादों। दिनें समबारखालिसिमआव जिल्लायाव गासै सा 1355 सुबुंफोरनि देहायाव करना पजिटिभ मोन्नाय जादों। बेनिनो सा 147 आ एक्टिभ केसआव दड। जिल्ला देहा बिफाननिफ्राय मिथिहोनाय बादिब्ला, सा 36 आ जोहोलाव सोमब्ला बसुमतारि सरकारि देहा फाहामसालिआव, सा 7 आ काशिकत्रा मडेल हस्पतालआव आरो सा 16 आ सुबाइझर मडेल हस्पतालआव फाहामथाय लागसिनो। बिफानआ मिथिहोनाय बादिब्ला, करनानि सेथि आरो नैथि दोहौआव सा 3368 सुबुंनि देहायाव करना पजिटिभ मोन्नाय जादों। जिल्लायाव थानाय 1 एप्रिलनिफ्राय दिनेंसिमआव गासै सा 52,529 सुबुंफोरनि देहाखौ आन्जाद एबा टेस्ट खालामनाय जाबाय। मख'नो गोनांदि, थानाय 1 एप्रिलनिफ्राय कभिड पजिटिभ मोन्नाय सा 785 सुबुंफोरखौ हम आइस'लेसनआव लाखिनाय जादोंमोन। एरैहाय हादरनाडै करनानि भेक्सिन होनाय बादिथै चिरां जिल्लायाव गासै सा 8880, 18 निफ्राय 44 बोसोर बैसोनि सुबुंनो गिबि एबा सेथि डजखौ होनायनि अनगायै सा 410 सुबुंफोरनो नैथि डज होनाय जाबाय। बेराफसै 45 निफ्राय बेनि गोजौसिन बैसोनि सा 37,309 सुबुंनो सेथि डज भेक्सिन होबाय आरो सा 14,228 सुबुंनो नैथि डज भेक्सिन होनाय जाबाय। बिफानआ फोरमायनाय बादिब्ला, चिरां जिल्लायाव गासै सा 60,827 सुबुंनो भेक्सिन होबाय जाबाय। बेनिनो सा 9290 आ 18-44 बोसोर बैसोनि आरो सा 51,537 आ 45 बोसोर आरो बेनि बांसिन बैसोनि। मख'नो गोनांदि, जिल्लायाव करनाजों गासै सा 21 सुबुंफोरा जिउ गोमाबाय। बेनिनो सा 14 आ सेथि दोहौआव आरो गुबुन सा 7 आ नैथि दोहौ करनाजों गाग्लोबजानानै जिउ गोमादों ॥

गसाइगावआव सासे सुबुंनि गोथै सह बोखांदों

मर्टेमनि थाखाय कक्राझर देहा फाहामसालिआव दैथायहरो। ओन्सोलनि सुबुंफोरा बे जाथायनि सायाव सोरबा दुथांफोरनि आखाइ थानो हागौनि सन्देह खालामदों। जायगानि सुबुंफोरा सन्देह खालामनाय बादिब्ला, सोरबा दुथां सुबुंफोरा बे बैसो जानाय सुबुंखौ बुथारनानै गालांदों। बे गोथै सह बोखांनो मोन्नाय जाथायखौ लानानै ओन्सोलनाडै दुंहाव थासारि आरो सुबुंफोरनि गोसोआव गिसं-गासं थासारि सोमजिदों ॥

कालाइगाव-तानि पि डब्लिउ डि लामाया बायफ्लेलानायनि लामायाव

नाथाय दुखुनि बाश्राया बेनोदि महाजुत हान्जानि बि पि एफ दोलोनि एम एल ए दुर्गा दास बर'आ खमैबो 40-45 रोजा बाडइ सुबुं सानखो भटरफोरा बिथांखौ बिसायखनथियाव देरहाहोसेयावबो रोजा रोजा सुबुं हान्थिग्रा गोनांथार कालाइगाव-तानि पि डब्लिउ डि लामाखौ लुफामफिन्नायनि सायाव जेबो रोखोमनि राहा लायैयाव बियाबनि सानजा कालाइगावनि राइजो-राजाफोरा दुखु मोन्नाय फोरमायदों। मख'नो गोनांदि बिसायख'थिनि समाव बे बायफ्लेलानो हमनाय लामाजों हर-सान बाडइ सुबुं सानखो मैखोम ओन्सोलाव थानानै भट बिहैनय एम एल ए दुर्गा दास बर'आ बे लामानि बिथिडव जेबो रोखोमनि राहा लायैयाव ओन्सोलनि सुबुंफोरा दुखु मोन्नाय फोरमायदों। बे लामानि थासारिया गात्रिनिफ्राय गात्रिसिन जालानायाव बे लामाजों हान्थिग्रा रोजा-रोजा सुबुंफोरा, जरखायै बेरामि, फरायसा, सरसनन्ना सुबुंफोरा गोबां जेनाफोरजों मोगा-मोगि जानो गोनां जादों। लोगोसे लामानि थासारिया बायफ्लेलानो हमनायाव लामानि जाब्रबथायनि जाथायाबो बांबोनो हमदों ॥

कक्राझरनि अभयाकुतिनि जाथायखौ सिआइडिनि संदान्नाया जागायबाय

दिनें जाथाय सोमजिनाय रूसारि हिन्जावसाफोरनि नख'रआव दावबायहैनानै बे जाथायनि सायाव संदान्नायनि खामानिखौ जागायदों। सिआइडिनि हान्जाया जिउ गोमानाय हिन्जावसाफोरनि नख'रनि सोद्रोमाफोरजों सावरायलायनायजों लोगोसे जाथाय जानाय जायगाखौ नायगिदि हैयो। बेबादिनो सिआइडिनि हान्जाया बे जाथायनि सायाव संदान्नायखौ थाबैनो फोजोबनानै जाथायनि गुबै जाहोनखौ दिहुनगोन होन्नानै नख'रनि सोद्रोमाफोरनो खोथा होयो। एरैहाय दुलाराय राभा फरायसा आफादनि गाहाय नेहाथारि दिपांकर राभानि दैदेन्नायाव आरसुनि मोनसे हान्जायाबो दिनें जाथायजों बोलि जानांनाय हिन्जावसानि नख'रआव दावबायहैनानै जाथायनि बागै खौरां लाहैयो। लोगोसे बे समावनो बे जाथायनि सायाव सिबिआइनि संदान्नाओ आरो जाथायजों लोब्बा थानाय दायनिगिरिफोरखौ गोखों साजा होनो थाखाय आसाम सरकारखौ खावलायो। दिनें आसाम स्टेट कमिसन फर प्रटेक्सन अफ साइल्ड राइटसनि मासिगिरि ड॰ सुनिता सेनकाकतिआबो जिउ गोमानाय हिन्जावसानि नख'रआव थानानै खौरां लाहैदों। एरैहाय साइल्ड वेलफेयार कमिटी कक्राझरनि मासिगिरि मालति रानि नार्जारि, बिटिसिनि एमसिएलएफोर-हेमन्त राभा आरो प्रदिब कुमार भुयानआबो नख'रआव दावबायहैनानै नख'रनि सोद्रोमाफोरजों सावरायलायदों ॥

मुलुगनां थै दान सानाव गसाइगावआव थै दान होनाय हाबाफारि खुंफुंदों

सावसि बिबानगिरि ड॰ बिकाश कर्मकर, राष्ट्रीय स्वयं सेवक संघनि साहा आसाम ओन्सोलनि गाहाय बिबानगिरि रथिन्द्र सिंह, जिल्ला बिफाननि मावफुं बिबानगिरि सतदल कुन्दु, सिबिथाय कुन्जनि आफादगिरि समरेन्द्र बसुमतारी, नेहाथारि बुद्धे लामा आरो गोबां गागि सुबुंफोराबो बाहागो लादोंमोन। मुलुगनां थै दान सानजों लोब्बा लाखिनानै गोबां सुबुंफोरा गावसोरनि थैखौ दान होनायजों लोगोसे बादयाव मावफुं सोद्रोमा अरुप कुमार देयाबो गावनि थैखौ दान होयो। खौरांगिरिफोरनि सिगाडव मावफुं सोद्रोमाया थै दानआ जिउ दान होन्नानै बुंनानै बे थै दान होनाय बादयाव बाहागो लानानै थै दान होन्नानै गोजोन्नाय फोरमायो। गुबुन गुबुन समाव थैनि ओंखालाव गोबां सुबुंफोरा जिउ खोमानो गोनां जायो। बे बिथिडव गोसो जानानै थै दान होग्राफोरनि थैनि गेजेरजों गुबुनि जिउखौ रेखाथि होनो हायो। बेनि अनगायैबो बिथाड गंप्रोमबो देहा फाहामसालियाव ब्लाड बैंक गायसनायनि सायाव गोनांथि होन्नानै गसाइगावनि हाबुबिलआव थानाय गं 200 बिसिना गोनां आर एन बि देहा फाहामसालियाव ब्लाड बैंक गायसनायनि दाबिनि फासै मान होन्नानै थाबैनो ब्लाड बैंक गायसन्नो बोसोन होयो मावफुं सोद्रोमा अरुप कुमार देया ॥

गागि समाज सिबियारि खगेन दत्तनि रूसारि जानायाव गिबि मन्थिया दुखु फोरमायदों

जिल्लानि गुबुन गुबुन समाज सिबिथायनि खामानिफोराव नांथाबनानै गोबां बिहोमा होलांबाय। बेनि अनगायैबो दत्तआ जिल्लानि गुबुन गुबुन आफाद-फसंथानफोरजों नांथाबनानै बेफोर आफाद-फसंथानफोरखौ जौगाखां होनायनि बिथिडवबो बाउसोमनानै खामानि मावनायजों लोगोसे बिथाड गोबां बिहोमा होलांबाय। बिथाड बि जे पिनि डिबूगड जिल्लानि गाहाय नेहाथारि महरैबो बाउसोमना गावनि बिबानखौ मोजाडै रुजुनानै दुलाराय जिल्लायावनो बि जे पि दोलोखौ गोखों खालामनायनि बिथिडवबो खगेन दत्तआ गाहाय बिफाव लादोंमोन। हारियारि जिउजों लोगोसे नांथाबनानै खामानि मावबोनाय खगेन दत्तनि रूसारि जानाया समाजनि थाखाय सुफुंख' हायै खहा जाबाय होन्नानै गिबि मन्थिया बुडो। गिबि मन्थि शर्माया खगेन दत्तनि जिउमानि अराय गोजोननि थाखाय इसेरनिसिम आर'ज गाबनायजों लोगोसे दुखुथिया नखरनिसिमबो दुखु फोरमायहरो ॥

अभयाकुति गामिनि जाथायाव दासिम सा 7 यनिगिरिफोरखौ पुलिसआ खाबाय

लाबोनाय जादोंमोन। जाथायनि सायाव पुलिसनि संदान्नाया गोखोडै सोलिगासिनो थानाय हिसाबै दिनें बे जाथायजों लोब्बा थानाय गुबुन सानै दायनिगिरिफोरखौ पुलिसआ खानो हाबावो। दिनें खजानाय दायनिगिरिफोरखौ सालबारि गामिनि नासिदुल आली शेख(19) आरो फरिजुल रहमान(22) होन्नानै सिनायथिनाय जादों। रबिबार खालिबो कक्राझर पुलिसआ सा 5 दायनिगिरिफोर फारिखै हानिफ शेख(20), जाहानुर इस्लाम(23), शंकरदेव बर्मन(27), महम्मद आताफ आली (26) आरो मुजामेल शेख (20) मोनखौ खादों। बबेखानि हिन्जावसाफोरनि गोथै देहाखौ पस्ट मर्टेम खालामनायनि रिपर्टखौ मोनथ'नो हायाखैब्लाबो थाबैनो रिपर्टखौ मोनो हागोन होन्नानै कक्राझर एसपि प्रतिक टुबेआ फोरमायदों ॥

मैदेरनि गाग्लोबनायाव उदालगुरिआव फिन सासेबाव सुबुंनि जिउ खहा

अबथिययै जिउ खोमानाडो। बेबादिनो उदालगुरि जिल्लानि सिडव थानाय दिमाकुचि, राजागड, नलपाय, बरेंगाजुलि, धर्मजुलि, टेंकि बस्ति आरो बलाटार गामिफोयाव हागानि मैदेर फालोआ ओंखारबोनानै सानफ्रोमबो गामियारिफोरनि सायाव उतखार खालामफैयो। गामियाव हाबफैनानै गामियारिफोरनि न'-बां सिफायलांनायजों लोगोसे आबादथिलिफोरखौबो आवुडै खहा खालामलाडो। जायनि जाहोनआव बे ओन्सोलनि गामियारि सुबुंफोरा मैदेरनि उतखार खालामनायनि सायाव जेब्लायबो गिनो गोनां जायो ॥

सावगारियाव नुनाय हाग्रायाव बिफांफोरा 90 डिग्री दबजोबनाय, गुबुन मोनसे गोहो दड



बे मुलुगआव हाग्राया बाडइल' थार नड। नोंसोरो गिदिरथार गोजौ बिफांफोरजों आवुं जानानै थानाय फोथारखौ नुनो मोन्दोंदा ? माब्लाबा पलेन्डनि क्रुबड हाग्राखौ नुदोंना ? बे हाग्रानि बांसिन बिफाडनो 90 डिग्रीसिम दबनानै थानाय। बे हाग्राया गुबुन हाग्राफोरनिखुइ आलादासिम।

बे मुलुगआव गोमोथाव जाथायफ्रा बाडइल' थार नड। मिथिगायाबो सम सम गावसिनि गोमोथावनाजों सुबुंफोरखौ मँग्ल होनाय नुनो मोनो। मिथिगानि गोमोथाव बिदिन्थिया जादों पलेन्डनि बे क्रुबड हाग्रा ओन्सोल। बेखौ नुयोब्ला गोमोया लासे थानो हाया। बे हाग्राया गुबुन हाग्राफोरनिखुइ आलादासिम। बेयो गिखंथाव हाग्रा महरै नड, नाथाय दबनाय हाग्रा महरैसो बयजोंबो मिबथि जायो। जायखौ नुनानै जानो हाग्री मँग्लयालासे थानो हाया। बे हाग्राया गुबुन हाग्राफोरनिखुइ आलादासिम, मानोना बेनि बिफांफोरा गुदियाव दबनाय हाग्रा महरैसो बयजोंबो सिनायथि जायो।

पलेन्डनि बे हाग्राया नबे सजाबनबे गामि साखाथियावनो। बे हाग्रायाव थानाय बिफांनि गोमोनांगौ जानायनो जादों- फांफ्रोमबो बिफांफोरनो 90 डिग्रीसिम गुदियाव दबनाय। बे बिफांफोरा थामनिफ्राइ गु फुटसिमनि गोजौयाव देबलाडो। बेखौ नुनायाव रहस्य गोनांबादि मोनो। पलेन्डनि बे क्रुबड हाग्राया बे रहस्यनि थाखायनो बयजोंबो सावराय जायो। बेनि खायसे सुबुंफ्रा बे बिफांआ मख'जाथाव गोहो दडखायनो बेबादि देबनो लायो। बेनि खायसे सुबुंफ्रा बिफां दबनायनि गाहाय जाहोनखौ बेवहाय गुबुन ग्रहनि जिबिफोरा बेवहाय फैनानानो बे जाथायनि गाहाय जाहोन होन्नानै बुंनो नागिरो। थेवब्लाबो बे बिफांफ्रा दबनायनि थार जाहोनखौ दासिमबो मिबथिसनो हानाय जायखै ॥

अन्किता लखान्देआ सुशान्त सिं राजपुतखौ गोसोखांनानै गावनि न'आव यज्ञ होदों

गोदान दिल्ली, 14 जून : फावखुंगुर सुशान्त सिं राजपुतआ जॉनि गेजेराव गैला, नाथाय बिखौ अरायसम गोसोआव थागोन। थानाय बोसोरनि 14 जूनआव जेब्ला बिन रुसारि जानाय खौराड सोराडव फैंदों अब्ला बेखौ रावबो नंगुवै होन्नानै फोथायनो हायाखैमोन। दिनेसिमबो बिन फेन्सफोरा बे दुखुनिफ्राय बारग'नो हायाखै। बेनि थाखाय ससियेल मिडियाआव बिनो बिबार बावदों। फार्सेथिं सुशान्ति फेन पेजजआव सुबुंफोरा बिन गोजाम भिडियफोरखौ सेयार खालामनानै बिखौ गोसो खांदों। बेवहाय सुशान्ति माखासे गोसोआ नांथाय मिडियाफोरा दड। सुशान्त सिं राजपुतआ रुसारि जानायनि उनाव माखासे मिडियाफोरा भाइरेल जादों। बेवहाय सुशान्ति जिउनि माखासे औरैबायदि जाथायखौ नुनो मोन्दों जाय बिन बे



मुलुगआव थानाय समाव सुबुंफोरा मोनथियामोन। सुशान्तआ गोसो गुवार सुबुंमोन। बिन माखासे भिडियफोरा सोराडव फैंदों, जेराव बिखौ गोनांथि जानाय सुबुंफोरखौ मदत खालामनाय नुनो मोन्दों। सुशान्तआ माल्टि-टेलेन्टमोन

आरो गोबां नाजाग्रामोन। बिन बिनानाव श्वेता सिं कीर्तिआवनो औरैबायदि माखासे भिडियफोरखौ सेयार खालामदोंमोन जेराव सुशान्ति जिउनि माखासे आखुखौ नुनो मोन्दों। मख'नो गोनांदि, रुसारि जानाय फावखुंगुर सुशान्त सिं

राजपुतनि दिने गिबि बोसोरारि थैनाय सान। बिन फेन्स नख'रनि सुबुंफोर, मेम्बार्स, लोगोफोर आरो माखासे स्टारफोरा ससियेल मिडियाआव पस्ट सेयार खालामनानै बिखौ गोसोखांदों। बेनि गेजेराव सुशान्ति एक्स गार्ल फेन्ड

अन्किता लखान्देआ बिन गिबि थैनाय बोसोरारि थैनाय सानआव यज्ञ होदों। जायनि मोनसे भिडियखौ बियो ससियेल मिडिया स्टरीआव सेयार खालामदों। अन्किता लखान्देआ जाय भिडियखौ सेयार खालामदों, बेवहाय बिखौ गावनि न'आव यज्ञ होनाय नुनो मोन्दों। फार्सेथिं बियो सुशान्तखौ गोसोखांनानै केन्डेल आरो जेवारी बाथिबो सावनानै दोन्दों। फावखुंगुरिया माखासे सान सिगां ससियेल मिडियानिफ्राय ब्रेक लादोंमोन। नाथाय सुशान्ति गिबि बोसोरारि थैनाय साननि सानसे सिगांनो बियो गोदान एक्टिभ जाफिन्दों। सुशान्त आरो अन्कितानि रिलेसनसिपआ टिभि सिरियाल 'पबित्र रिस्ता'नि सेटनिफ्राय जागायदोंमोन, जेराव बिसोर सानैआ जरानि फाव खालामदोंमोन।

करीना कापुर खानआ सीतानि फावनि थाखाय जेनायाव गोगलैदों

गोदान दिल्ली, 14 जून : डायरेक्टर अलौकिक देसाइआ थाबैनो सावथुन सीताखौ बानायसिगोन, जेराव गाहाय फाव खालामनो थाखाय करीना कापुर खाननि मुड सोराडव फैंदों। खौराडव बेबोदि बे फावनि थाखाय करीनाआ 12 कौटि रानि डिमान्ड खालामदों, आथिखालाव बेनि जेबो रोखेमनि मावख'आरि बाथा फोरमायनाय जायाखै। खौराड सोराडव फैंनाय लोगो-लोगोनो सशेल मीडियाआव करीनाखौ बयकट खालामनानै इ उ ज र फ र र #BoycottKareenathan ट्रेन्ड खालामदों। इउजारफोरा बुंनाय बायदिब्ला जुदि करीनाआ सीतानि फाव खालामोब्ला बेयो हिन्दु धोरम आरो बिमा सीताखौ लाजिफोनांनय जागोन। फारसेथिं माखासेआ लिरदोंदि,



तैमुरखौ जोनोम होनाय करीनाआ सीता जानो मोना। बेयो गिबि खेब नड जेब्ला फावफोरनि जाहोनाव माखासे फावगिरिफोरा जेनायाव बेंखन्नानै थायो। बेनि सिगांबो माखासे फावगिरिफोरा गाव-गावनि अनस्क्रीन फावनि जाहोनाव जेनायाव थादों। मख'नो गोनांदि, रिलीस जानो गोनां बलीउड सावथुन आदिपुरुषआव सेफ आली खानखौ रावगनि फाव

खालामनाय नुनो मोनगोन। मोनसे इन्टारिभउनि समाव सावथुन आरो गावनि फावनि सायाव बाथा सावरायनानै सेफआ बुंदोंमोनदि, सावथुनआव रावगनि मोजां महरखौ दिन्थिनो नाजादों। रावगखौ बाखायनायाव सेफ आली खानआ गोबां सावरायजादोंमोन। इन्टारिभउआ सोराडव फैंनाय लोगो-लोगोनो सुबुंफोरा सेफखौ बयकट खालामनो जागायदोंमोन।

आदिपुरुषआ प्रभासनि आगुनि सावथुन बाहुबली 2 नि रिकर्डखौ सिफायगोन, आश्रमनि 3 थि सीजेनआ सोराडव फैंनो थियारि जादों

गोदान दिल्ली, 14 जून : प्रभासनि आदिपुरुषआ मस्ट अवेटेड प्रजेक्टफोरनि गेजेराव मोनसे। गोदान रिपर्टनि बायदिब्ला अम राउतनि बिथोन होनायाव बानायनाय बे सावथुनआ वीएफक्सनि केसआव प्रभासनिनो आगुनि सुपारहित सावथुन बाहुबली 2: दा कन्क्लुजन 'नि रिकर्डखौ सिफायसिगोन। फोरमायनाय बायदिब्ला एसएस राजमौलीनि बिथोन होनाय बाहुबली 2 आ आथिखालआव 2500 भिजुएल इफेक्टसजों लोगोसे हादतनि बयनिखुइबो देरसिन भिएफएक्स सावथुन जादों। जेराव आदिपुरुषआव 800 भिएफएनि रुजुनाया 3 गुननिफ्रायबो बांसनि जादों। मेकार्सआ कभिड-19 नि थासारिया सरासनस्त्रा जानाय लोगो लोगो सावथुननि शुटिखौ जागायगोन। सावथुनआ फैंगौ



बोसोरनि 22 आगस्तआव रिलीस जानो हागौ। बबी देअलनि वेब सीरीज आश्रम 'नि थामथि सीजेननि शुटिआ सेप्टेम्बरआव जागायगोन। बे बाश्रानि खौरांखौ प्रकाश ज्ञानि बे सीरीजआव

गाहाय फाव खालामनाय दर्शन कुमारआ होदों। बियो मोनसे बाथा सावरायनायाव बुंदों, जों सेप्टेम्बरनि गिबि सपताहनिफ्राय भपालआव शुटिखौ जागायगोन। गिबियाव जों 6 एप्रिलनिफ्राय बेखौ

जागायसिगोमोन। नाथाय कभिडनि नैथि दोहौनि थाखाय दोन्थ'नांदों। भुपालआव थासारिखौ सामलायनो हायैनि जाहोनाव 4 एप्रिलआव जों शुटिखौ केन्डेल खालामनो गोनां जादोंमोन। आरो बेखौ प्रकाश ज्ञानि लादोंमोन। आश्रम 'नि गिबि आरो नैथि सीजेनआ थानाय बोसोरारि अदोटी प्लेटफर्मएमएक्स प्लेयारआव स्ट्रीम जादोंमोन।

अमिताभ बच्चन रश्मिका मन्दाना आरो पिक्की कौशल भुमि पेडणेकरआ सावथुननि सुटिं खालामनो थियारि जादों

गोदान दिल्ली, 14 जून : करनानि नैथि दोहौआ एन्टारटेनमेन्ट इन्डस्ट्रीखौ उफ्रा सांग्रांथि बानायदों। प्रडाक्सन हाउसेज आरो प्रडिउसार बायदि साजिद नाडियाडवालानिफ्राय लानानै यशराज, धर्मा, एक्सेल, हिरानी, महाबीर जैन आरो गुबुन गुबुन बानायगिरिफोरा। भेक्सिन थुनायनि हाबाफारिखौ सोलिहोदों। सिनेमा वाकारफोरा आरो डाइरेक्टरफोरानि फेडेरसनआबो गावनि आरो गुबुन कु मेम्बार्फोरनो भेक्सिन थुदों। आनान्द पन्डितआ भेक्सिन थुनायनि सेन्टारखौनो अपेन खालामखाबाय। साफ्रोमबोनि थॉखि लानाया रोखा जादों। फार्सेथिं भेक्सीननि मोनसे डूपखौबो लान्थियै लानानै सावथुनफोरनि सुटिखौ जागायदों। बेनि फिथायाबो सोराडव फैंदों। मोनसेनि उनाव मोनसे गिदिर बाजेट'नि सावथुनफोर आरो मुंदांखा स्टारफोरा सुटिखौ जागायदों। ट्रेड एनेलिस्टफोरा फोरमायदों बुधवारसिमाव अक्षय कुमार,



सैफ आली खान, आलिया भाट्टनि सावथुनफोरखौ लानानै डे भेलपमेन्ट जादोंमोन। आथिखालाव खौरां फैंदोंदि, अमिताभ बच्चन, रश्मिका मन्दाना, बिक्की कौशल, भुमि पेडणेकरआबो जान्जि खाफ्रादों। बिक्की आरो भुमिआ डाक्टर लेलेखौ गोदाने जागाय फिनसिगोन। भुमिआ डाक्टर लेलेजों लोगोसे रक्षा बन्धन'निबो सुट खालामगोन। रक्षा बन्धननि सुटिखौ मुम्बाइनि फिलमसिटी आवा लकडाउननि सिगां बे सावथुननि सुटिंनि समाव बिक्की आरो भुमिआ सानैबो

कभिड पजिटिभ जादोंमोन। आथिखालाव बिसोर सानैयै माखासे साननि उनाव रिक्भारबो जाखांबायमोन। बिसोर सानैया बे सावथुननि सुटिखौ गोदाने जागाय फिनसिगोन। भुमिआ डाक्टर लेलेजों लोगोसे रक्षा बन्धन'निबो सुट खालामगोन। रक्षा बन्धननि सुटिखौ मुम्बाइनि फिलमसिटी आवा लकडाउननि सिगां बे सावथुननि सुटिंनि समाव बिक्की आरो भुमिआ सानैबो

फोरमायदों, अमिताभ बच्चन आरो रश्मिका मन्दानाया सावथुन 'गुडबाय'नि शुटिखौ गोदाने जागायगोन। बे सावथुननि सेटआवबो लकडाउननि सिगां 20-25 सुबुंफोरआव नाथाय बांसनि कु मेम्बार्फोरा बेक्सिन लाबाय। डाक्टर लेले बायदिनो गुडबाय'निबो शुटि आ मुम्बाइयाव से खावसे दाननि जागोन। मुम्बाइनि चान्दीबली स्टुडियोआव बेनि सुटिखौ फुरा खालामनाय जागोन। सुत् आ

केरेलाआव लाभ जिहादनि अलखद, आइ एसआव हाबनाय साब्रै आइजोफोरखौ सरकारा भारतआव फैंहोनाय नड

तिरुअनन्तपुरम, 14 जून : केरेलाआव आरोबाव खेबसेयै लाभ जिहादनि आयदाया नुजाथिदों। अदेबानि मिरुआरि सरकारा बै साब्रै आइ एस उतखारिफोरनि बिसिफोरखौ भारतआव लाबोफिन्नायखौ नेवसिगारदों, जाय आफगानिस्ताननि इस्लामिक खुंथायाव थानो थाखाय गावनि फिसाइ आरो गथ'फोरजों लोगोसे बेयाव थादोंमोन। सनिया सबेस्टिपन उर्फ आएशा, मेरिन जेकब उर्फ मेरिन, निमिषा नायर उर्फ फातिमा इसा आरो रफिलाआ थानाय 2016-18 नि गेजेराव इस्लामिक स्टेटनि खुरासन ओन्सोलआव थायोमोन। गुबुन-गुबुन गाम्लोबनायफोराव बिसोरनि फिसाइफोरा थैयो आरो बे आइजोफोर थानाय 2019 आव आफगानिस्तान खुंथायनि खाथियाव गावखौनो गाव गथायदोंमोन।



एहयाय भारतनिफ्राय खारलानानै आफगानिस्ताननि खुरासान ओन्सोलाव गावसोरनि फिसायफोरजों लोगोसे थाहेंदोंमोन आरो बेयाव बिसोर उतखारि आफाद इस्लामिक स्टेटआव ज्वाइन जादोंमोन। बेनिखायनो भारत सरकारा बिसोरनि केरेलायाव फैंफोनाया राज्ज्योनि थाखाय जोबोद खैफोद गोनां जानो हागौ होन्ना बिसोरखौ भारतआव फैंहोयैनि थांखि लादों होन्ना सुलुडाव फोरमायनाय जादों।

खारलानानै आफगानिस्ताननि खुरासान ओन्सोलाव गावसोरनि फिसायफोरजों लोगोसे थाहेंदोंमोन आरो बेयाव बिसोर उतखारि आफाद इस्लामिक स्टेटआव ज्वाइन जादोंमोन। बेनिखायनो भारत सरकारा बिसोरनि केरेलायाव फैंफोनाया राज्ज्योनि थाखाय जोबोद खैफोद गोनां जानो हागौ होन्ना बिसोरखौ भारतआव फैंहोयैनि थांखि लादों होन्ना सुलुडाव फोरमायनाय जादों।

स्केम 1992 आ बयनिखुइबो हाइ रेटेड श्व' जादों

गोदान दिल्ली, 14 जून : मुंदांखा वेब सीरीज स्केम 1992: दा हर्षद मेहेता स्टरीआ इन्टरनेट मुभी डेटाबेस (आइ एम डि बि) नि मुलुगानां फारिलाइयाव टप टेन हाइएस्ट रेटेड टीभि श्व'आव जायगा मोन्दों। प्रतीक गान्धी आरो हन्सल मेहेतानि गेजेरजों बिथोन होनाय बे वेब सीरीजआ 250 हाबफारिफोरनि फारिलाइयाव बयनिखुइबो बांसनि रेटिंश्व जादों। स्केम 1992: दा हर्षद मेहेता स्टरीआ आइ एम डि डिआव 10 निफ्राय 9.6 नि रेटिं मोन्दों। हन्सल मेहेतानि गेजेरजों बिथोन होनाय श्व'आ मुलुगानां थाखोनि फारिलाइयाव 9 थि थाखोखौ मोनो हादों। बेवहाय 250 हाबाफारिफोर आरोबाव दंफादेरोमोन। आइ एम बि



डिआव बबेबा सावथुन एवा सीरीजनि रेटिं इउजारफोरनि गेजेरजों होनाय रेटिंनि सायाव बिथा खालामनानै थि खालामखानाय जायो आरो बेनि बिबुंआ 10 सिमनिल' जायो।

फारिलाइयाव टपआव बेन्ड अफ ब्रदर्शआ थादों आरो बेनि उनाव क्रमशः ब्रेकिंग बेंड आरो चेर्निलआ थाफादेरदों। स्केम 1992 नि गोजीयाव गुबुन जाय श्व'फोरा थादों, बेवहाय 'दा

वायर', अवतारः दा लास्ट एयारबेन्ड, गेम अफ थ्रन्स, दा स'प्रांस'स रिक् एन्ड मार्टी, जेराव 10 थि थाखोखौ जापाननि एनीमेटेड सीरीज 'दा फुलमेन्टल अल्केमिस्टआ मोन्दों। फारसेथिं

मीडिया रिपर्टनि बायदिब्ला बे सीरीजआव फाव खालामनो थाखाय प्रतीक गान्धीआ 18 कि:ग्रा: लिरथायखौ बांहोनो गोनां जादोंमोन आरो बियो बांहोदोंबोमोन। मोनसे इन्टारिभउनि समाव बियो फोरमायदोंदि, गावना गिबियाव 71 कि:ग्रा: लिरथायआ दडमोन आरो सीरीजनि समाव 89 कि:ग्रा: सिम जाहेंदोंमोन। मख'नो गोनांदि, फावखुंगुर प्रतीक गान्धीनि विट्टल तीड़ीआ माखासे सान सिगांसो डिजिटल प्लेटफर्मआव रिलीस जाबाय। स्केल 1992 नि जाफूसारनायनि उनाव प्रतीकनि बेयो गिबि सीरीजमोन। आथिखालआव प्रतिक आरो बुंदोंमोनदि, गावनि बे सीरीजखौ स्केम 1992 जों रुजुजागोन।

नफ्ताली बेनेटआ इज्राइलनि गोदान गाहाय मन्थि जाबाय बुहान लेबनि उनाव चीननि निउक्लियार प्लानआबो फाव फान्दायनायनि आसा खालामदों

यरुशलम, 14 जून: इज्राइलआव बेन्जामिन नेतन्याहुनि 12 बोसोरनि खुंथायखौ फोजोबनानै नफ्ताली बेनेटआ हादतनि गाहाय मन्थि जाबाय। दक्षीणस्थी लेफ्ट फ्रन्ट यामिना पार्टीनिफ्राय 49 बोसोर बैसोनि बेनेटनि गोदान सरकाराव सा 27 मन्थि दं। अदेबानि बेनेटआ गावबो गाहाय मन्थि जानायनि सिगां बेन्जामिन नेतन्याहुनि हेफाजाबगिरि जाखांबाय। बियो इज्राइलनि रैखाथि, सोलौंथाय मन्थि जानायजों लोगोसेनो 2006 निफ्राय 2008 नि गेजेराव चीफ अफ स्टाफबो जाखांबाय। मख'जथावदि, बेटेनआ नेतन्याहुनि लिक्कुड पार्टीखौ नागराननै लेफ्टफ्रन्ट धार्मिक ज्युइश हम पार्टीआव



हाबफैदोंमोन आरो 2013 आव गिबियै संसदन मन्थि जानो हादोंमोन। 2019 सिमाव बियो जुथाय सरकारफोरनि माखासे बिफानफोरखौ सामलायो आरो 2020 आव बियो यामिना पार्टीनिफ्राय फिन खनसेबाव मन्थि जायो। मिलिट्री कामान्ड इउनितआव सिबिथाय

होखांबोनाय बेनेटआ इज्राइलनि हाइफायाव जोनोम जादोंमोन। बियो 2013 आव गावनि आमेरिकानि नोगोरारि मोन्थायखौ नागरदोंमोन आरो बेनि उनाव इज्राइलनि राजखांथियाव आगान होयो। राजखांथियाव फेनायनि सिगां बेनेटआ गंसे टेक कम्पानी सामलायोमोन। बेखौ बियो

वासिंटन, 14 जून: मुलुगनाडे करना भाइरास गोसार होनाय आरो बेखौ नायबिजरनायाव फेसालि खोबनो नाजानाय चीननि आरोबाव मोनसे सांग्रांथि गैयैआ सोरांआव फेदों। मोनसे रिपर्टनि बादिब्ला, चीननि निउक्लियार पावार प्लान्टआव लिग जानायनि खौरां मोन्नाय जादों। आमेरिका सरकार थानाय सप्लाहसेनिफ्रायनो बे रिपर्टखौ लानानै संदानायाव नांथाबदों। अदेबानि चीननि निउक्लियार पावार प्लान्टआव फ्रान्सनि गंसे कम्पानीयाबो बाहागो दं। बे कम्पानीयानो लीग जानायनि जाहोनाव जानो हाथाव रेडिअलजिकेल खैफोदखौ लाना सांग्रांथि होदोंमोन।



आमेरिका नि समाय सिमाखौ बांहोयो। बिबानगिरिफोरनिफ्राय मोन्नाय खौरां आरो केसजों लोब्बा गोनां लेखा बिलाइफोरखौ नोजोर होनायनि उनाव सिपनएनआ बे गार्से केसखौ सोरांआव लाबोदों। फ्रान्सनि कम्पानीया बेखौबो फोरमायदोंदि, चीननि गुआंगदना राइयोआव थानाय बे निउक्लियार पावार प्लान्टआ बन्द जानायनि सिगांनो चीननि रैखाथि बिबानगिरिफोरा बेनि

सा 38 बिसि आरो सा 89 गथ 'फोरगोनां जियना चानाआ थैबाय, मुलुगनि बयनिखुइ देरसिन नख 'रनि गाहायमोन

आइजल, 14 जून: मिजरमनि थागिबि मुलुगनि बयनिखुइ देरसिन नख 'रनि गाहाय जियना चानाआ 76 बोसोर बैसोयाव थानाय रबिबारखालि थैयो। बिनि नख 'राव सा 38 बिसिफोर, सा 89 गथ 'फोर आरो सा 33 फिसौजो फिसौज्ला दं। बिथां थैनायाव गिबि मन्थि जरामथांगाआ टिवटरआव बिनो बिबार बाउयो। जियना चानानि गिदिर नख 'रनि सावगारि होनानै बिथाडा लिरों, मिजरमनि थागिबि जियना चानीनो बिबार



बाउबाय। मिथिनो मोन्नाय बायदिब्ला, बियो मुलुगनि

गिदिर जानायनि जाहोनाव मिजरम आरो बिनि गामि बखवांआ दावबायारिफोरनि गोसोखौ बोनो हाग्रा मिरु जादोंमोन। सुलुखव फोरमायनाय बायदिब्ला, जियनाआ थानाय माखासे साननिफ्रायनो बेमारव गोग्लेदोंमोन। बिनाव हाइ ब्लाड प्रेशार आरो डायबिटीज बेमारनि जेना दडमोन। थानाय 11 जून खालि बिनि देहाया गोबां गात्रि जादोंमोन। जायनि उनाव बिखौ आइजलनि गंसे देहा

फाहामसालियाव थिसन्दोंमोन। बिनि नख 'रा गामियाव यलाब्रे बिल्डिंआव थायोमोन, जेराव गार्से 100 था खथा दड। बिनि देरसिन फिसाज्ला पार्लियाननि बैसोया गार्से 52 बोसोर जाबाय। जियना चानाआ गावनि जिउआव बयनिखुइ बांसिने 1 बोसोरनि गेजेराव 10 खेव हाबा खालामदोंमोन। बिनि गार्से बिसिफोरा मोनसे खथायवनो उन्दुयो आरो जियनाआ सानफ्रोमबो गावनि गुबुन बिसिजों लोगोसे उन्दुयोमोन।

आमेरिकानि अस्टिनआव गुलि गावनायाव सा 14 जोखोम जाग्राफोरनि गेजेराव सासेनि जिउ ख'हा



गोदान दिल्ली, 14 जून: आमेरिकाआव थानाय टेक्सास ओन्सोलनि आस्टिनआव गुलि गावनाय समाव जोखोम जानाय सासे सुबुड देहा फाहामसालियाव थैयो। बे खौरांखौ आस्टिन पुलिस बिफानआ रबिबारखालि होयो। पुलिस बिफानआ बुंनाय बायदिब्ला बे गुलि गावनायाव जोखोम जानाय सासे 25 बोसोर बैसोनि सुबुड देहा फाहामसालियाव थैयो। बे गुलि गावनाय जाथाया गोजाम आस्टिनआव सोरांसि 1.30 रिंगायाव जायो। पुलिसआ सिगाडव बे जाथायाव जोखोम जानाय सुबुंफोरनि अन्जिमाखौ सा 13 होनानै फोरमायदोंमोन। बेनि उनाव आस्टिननि बिबानगिरिफोरा बे जाथायाव जोखोम जानाय सुबुंफोरनि अन्जिमाखौ सा 14 होना बुडो। पुलिसनि बायदिब्ला, सानै सन्देह' खालामथावफोरनि गेजेराव सासेआ गुलि गावनायखौ जागायदोंमोन। बे जाथायनि जाहोनखौ दासिमबो मिथिनो मोनाखै।

प्लेटफर्म टिकेट फान्नाय बन्द' जानायजों रेलवेआ गोबां ख'हा जादों

गोदान दिल्ली, 14 जून: 2020-21 नि समाव रेलवेआ प्लेटफर्म टिकेटखौ फान्नायजों जानो गोनां रंखांथियाव थानाय बोसोरनि रुजुनायाव गार्से 94 जोखोन्दो ख'हा जादों। कना भाइरास अलखदनि जाहोनाव स्टेशनआव हाबनायखौ होबथानायनि जाहोनाव रेलवेआ बेबायदि ख'हा जानाडो। रेलवेआ फोरमायनाय बायदिब्ला, 2020-21 आव फेब्रुवारीसिमाव बिसोर प्लेटफर्म टिकेट फान्नायजों 10 कौटि रं खामायो आरो 2019-20 आव प्लेटफर्म टिकेट फान्नायजों बिसोहा 160.67 कौटि रंनि रंखांथि जादोंमोन, जाय थानाय 5 बोसोरनि गेजेराव बयनिखुइबो बांसिमोन। मख'नो गोनांदि, गाहाय मन्थि नरेन्द्र मदिनि गेजेरजों थानाय 2020 नि



मार्चआव लक डाउन फोसावनायनि सिगांनो रेलवेआ स्टेशनफोराव होंगो-दोंगोखौ खम खालामनो थाखाय थांखि लानायखौ जागायदोंमोन। मन्डल रेलवे सामलायगिरिफोरनाव प्लेटफर्मनि टिकेटनि बेसेनखौ थि खालामनाय आरो हाबनायखौ होबथायोनो होबथाय बेनि सायाव थांखि

गोदान दिल्ली, 14 जून: भारतआ आमेरिकानि फार्सेनिफ्राय होनाय ग्लबेल इन्फ्रास्ट्रक्चर प्रजेक्ट बिबिबिनि सायाव सावरायनायनि बाश्रा बुंदों। बावयैसो समाव जी-7 मिटिं नि समाव आमेरिकानि हादतगिरि ज' बाइडेनआ बिल्ड बेक बेटार' प्लाननि थांखि होदोंमोन जायखौ चीननि बेल्ट एन्ड इउ प्रजेक्टखौ काउन्टर खालामग्रा महैर गनायना लानाय जायो। जुदि मुलुगनि जि-7 हादतआ बे बिथिडव आवगायोब्ला एसियानिफ्राय इडर 'पसिमनि बाहागोफोराव दखल खालामनो थियारि खालामबाय थानाय चीनखौ गोमोहोगोन। बे बिथांखिखौ मुलुगनि गिदिर सुबुंतन्त्रआ दैदनगोन। बेनि अनगायै टेकनिक आरो रंखांथि मदतखौबो बे हादतफोरनि फार्सेनो खालामनाय जागोन। बे प्रजेक्टनि सायाव 40 ट्रिलियन आमेरिकानि डलारनि बेसेनखौ हमादना लादों। बे बिथांखिया बे हादतफोरखौ नोजोर होंगोन, जाय करना अलखदजों गिजियै गोहोम गोग्लेदों। बेनि अनगायै ग्लबेल इन्फ्रास्ट्रक्चर प्लाननि गेजेरजों लकेल लेभेलआव गोबां अन्जिमानि खामानिनि खाबु सोमजि होनायनि

बाश्रा बुंनाय जादों। भारतआ बे बिथांखिखौ नायबिजर गिसिनो दड होना बुंदों। अदेबानि भारतआ गावसोरनि एजेन्सिफोरनि गेजेरजों बेनि गोहोमखौ नायबिजरनाय उनाव बिजों सोमोन्दो लाखिनोबो हागो होनानै गुबुन हादतयारि बिफाननि बिबानगिरि पि हर्षआ बुंदों। बेजों सोमोन्दो थानाय हादतफोराव लांथियै बारायनाय खरसा आरो जायगानि थाखायाव सुबुंफोरा खामानि मोनैखौ लानानै बेखौ सावरायगिसिनो दड। मख'नो गोनांदि, भारतआ चीननि बे प्रजेक्टजों सरजाबनायखौ नेवसिगारदोंमोन आरो पाकिस्तान, नेपाल आरो श्रीलंका बायदि हादतफोरा बेनि बाहागो। भारतआ बे बिथांखिनि गेजेरजों बानायनाय चाइना पाकिस्तान इक'नमिक करिडरखौ लानानै अजद दैखांदोंमोन। मानोना बेयो भारतनि जम्मु काश्मीरनि मोनसे बाहागोजों हाबलाडो, जायनि सायाव पाकिस्तानआ आयेन बेरेखायै दखल खालामना लादों। पिएम नरेन्द्र मदिआ जि-7 हादतफोरनि मिटिडव बुंदोंमोनदि, मुलुगनि सुबुंतन्त्र हादतफोरा बेखौ सान्नांगोनदि, माबोरे गोहोम गोग्लैनाय आरो बे बिथांखिफोरखौ माबोरे आबु खालामनो हागोन।

लाहाखनि साखाथियाव चीनआ स्टील्थ बम्बार एडच-20 खौ आन्जाद नायदों

गोदान दिल्ली, 14 जून: भारतजों सिमानि जेना सोलिबाय थानायनि गेजेरावनो चीनआ लाहाखनि सिमाजों नांजाबनाय गावसिनि थिजायनि ओन्सोलाव स्टील्थ बम्बार जेट एडच-20 नि गोहोखौ आन्जाद नायदों। खौरांनि बादिब्ला, चीनआ शियान एडच-20 दावहार उरां जाहाजनि जोबथा आन्जाद नायनि हाबाफारिखौ फुरा खालामनो नागिरदों। बे आन्जाद नायनायखौ चीनआ हतान एयारबेसनिफ्राय खालामदों। स्टील्थ जेटआ राडारजों संदानजाया जासेनो सुथुरनि ओन्सोलाव हाबनानै बमा गावहैनो हायो। रैखाथि जरखाफोरनि बादिब्ला भारतीय अख्रामा सांथियाव फ्रान्सनि रफेल दावहार उरां जाहासखौ थिसननायनि उनाव चीनआ एडच-10 उरां जाहाजनि आन्जाद नायनाय हाबाफारिखौ गोखोंसिन खालामदों। बे हाबाफारिया



थानाय 8 जुननिफ्राय सोलिदों आरो 22 जुनआव फुरा जागोन। मख'जाथावदि, 22 जुनआव चीननि खुंथायाव थानाय कम्पुनिस्ट पार्टीनि गाइसनाय 100 थि बोसोरारि सान थामहिनबा बेयो 100 बोसोर जानोसे। बे सानखालिनो मोनसे गिदिर फोसावनाय महैर चीनआ स्टील्थ दावहार उरां जाहाजखौ गावसिनि अख्रामा सांथिआव थिसनफानायबो मिथिहोनो हागो। एडच-20 उरां जाहासआ

बांलादेशआ सिमना बन्द लाखिनाय समखौ बारायबाय

गोदान दिल्ली, 14 जून: बांलादेशआ आरोबाव माखासे सान सिमाखौ बन्द लाखिगोन। मिडियानि रिपर्ट बादिब्ला, करना इनफेक्सननि थासारिखौ नोजोर होनानै बांलादेशआ भारतजों नांजाबनाय सिमानाखौ बन्द लाखिनाय समाव सिमाखौ बारायबाय। थानाय एप्रिलआव बांलादेशआ भारतजों नांजाबनाय सिमाखौ बन्द खालामदोंमोन आरो बेनि समाय सिमाखौ



खेबनै बारायनायबो जाखांबाय। गिबियै 8 मेयाव आरो उनाव 29 मेयाव बारायदोंमोन। खौरांनि बादिब्ला, सिमाजों नांजाबनाय बांलादेश ओन्सोलनि

जिल्लाफोरा कभिड-19 नि केसआ लासै लासै दावखलायबो गसिनो। फार्सेथिं भारतआवबो करनानि गोसारनाया लासै जाबोगासिनो थानायखौ नुनो

नबाक जकबिचआ फ्रेन्स अपेननि बिमुंखौ देरहानो हादो

पेरिस, 14 जुन : मुलुगनि नम्बर-1 टेनिस गेलेगिरि सार्वियानि नबाक जकबिचआ 29थि ग्रेन्ड स्लेम टाइटेल्नि बिमुंखौ देरहाबाय। बियो फ्रेन्स अपेननि फाइनालाव ग्रीसनि स्टेफानस सितसिपासखौ 4 घन्टासिम बादायलायनायाव 6-7, 2-6, 6-3, 6-2, 6-4 जों फेजेन्दो। बेजों लोगोसे जकबिचआ टेनिसनि जारिमिनयाव 2 खेब 4 ग्रेन्ड स्लेम बिमुं देरहानो हानाय थामथि गेलेगिरि जाबाय। बियो थानाय 52 बोसोराव बेबादि खालामनो हानाय गिबि गेलेगिरि। बेनि सिमां बे रेकर्डआ राय इमरसन आरो रड लेबानि मुडव दोमोन। लेबाराआ 1969 याव आरो इमरसनआ 1967



याव बे रेकर्डखौ बानायदोमोन। बेखौ देरहानायनि उनाव जकबिचआ एटिपि टेनिस रेंकियाव नम्बर-1 गेलेगिरि जानानै थाबाय थागोन। सितसिपासनि केरियार

रेंकियावबो सुसानाय जागोन। बियो 5 थि नम्बरनिफ्राय केरियार बेस्ट नम्बर-4 रेंकियाव सौहैनो हागोन। जकबिचनि बेयो नैथि फेन्स अपेन टाइटेल्। बेनि सिमां 2016 याव बियो

बे बिमुंखौ देरहानो हादोमोन। बयनिखुइबो बांसिन फेन्स अपेन देरहानायनि रेकर्डआ राफेल नाडालनि मुडव दं। बियो 13 खेब बे बिजाबनि बिमुंखौ देरहानो हादो। जकबिचआ ग्रेन्ड स्लेमनि के सयाव सुइजारलेन्डनि रजार फेडरार आरो स्पेननि राफेल नाडालनिफ्राय 1 ग्रेन्ड स्लेमनि उनाव दं। फेडरार आरो नाडालनि मुडव 20-20 ग्रेन्ड स्लेमनि बिमुं दं। जकबिचआ बे बोसोरनि अस्ट्रेलियान अपेननि मुंखौबो देरहानो हादोमोन। जकबिचआ दासिमाव 84 था एटिपि सिंगेल्स टाइटेल्खौ देरहादो। बेवहाय 19 ग्रेन्ड स्लेमनि अनगाथै 5 इयार इन्ड सेम्पियनसिप। सार्वियानि गेलेगिरिया 36 एटिपि मास्टार्स बिमुंखौबो गावनि मुं खालामदो।

कपा आमेरिकानि बिमुंखौ देरहानानै गावनि सिमां नुनायखौ फुरा खालामनो गोसो जादों लियनेल मेसिआ

साउ पाउल, 14 जुन : लियनेल मेसिआ गावनि मोजां के रियारनि समाव बासिलनानिफ्राय मोनफ्रामबो बिमुंखौ देरहादो। नाथाय आर्जेन्टिनानि थाखाय गिदिर बिमुं देरहानो बिनि सिमां नुनाया दासिमावो आद्रा जानानै दं। बिनाव कपा आमेरिका फुटबल दुर्नामेन्टखौ देरहानानै गावनि सिमां नुनायखौ फुरा खालामनो हानायनि जोबथा खाबु दं। बे स्टा फुटबलारआ बे खेबयाव गावनि सिमां नुनायखौ फुरा खालामनो थाखाय नाजागोन। आर्जेन्टिनाआ कपा आमेरिकायाव गावनि अभियाननि जागायजेनायखौ रिय डि जेनेरियआव चिलीनि



बेँथायै गेलेगोन। कलम्बिया आरो आर्जेन्टिनानो मेच दैदेनायखौ बोखारना होनायनि उनाव ब्राजिलनो जोबथा समाव बे दुर्नामेन्टखौ दैदेनो गनायथि होदोमोन, मेसिया रिया मोनसे मोगा मोगियाव बुंदों, गाव जेब्लाबो गावनि टीमनि थाखाय

सांग्राडै थायो। गावनि बयनिखुइबो देरसिन सिमां नुनाया नेसनेल टीमजों लोगोसे बिमुंखौ देरहानाय। माखासे बेनि बिमुंखौ देरहानो होनायनि खाथियाव सौहैदों। नाथाय देरहानो हायाखै। इयुनाव बिनि बिमुंखौ देरहानो थाखाय नाजाबाय थागोन।

अस्ट्रियाआ नर्थ मेसिडनियाखौ 3-1 जों फेजेन्दो

बुखारेस्ट, 14 जुन : इउर' कापयाव गुप-चि नि मोनसे मेचयाव अस्ट्रियाआ दुर्नामेन्टआव डेब्यु खालामनाय नर्थ मेसिडनियानि टीमखौ 3-1 जों फेजेन्दो। अस्ट्रियानि थाखाय स्टीफन लेनार, माइकेल ग्रेगरिच आरो मार्क अर्नतबिचआ गल सोदों। मेसिडनियानि थाखाय केलेन गरन पान्डबआ गल सोदों। गरनआ दुर्नामेन्टनि जारिमिनयाव गल सोनो हानाय नैथि बैसो गेरा सुबुं जादों। जिनआ क्लाबजों गेलेनाय गरनआ 37 बोसोर 321 साननि बैसोयाव गल सोनो हादों। बे केसयाव अस्ट्रियानि हबिसा बास्टिचआ



बयनिखुइबो गोजौसिनाव थादों। बियो 2008 इउर' कापआव पलेन्डनि हेंथायै 37

बोसोर 257 साननि बैसोयाव पेनाल्टी स्ट्रकयाव गल सोनो हादोंमोन। गरनआ मेसिडनियानि थाखाय इउर' कापयाव गल सोनाय गिबि गेलेगिरि जादों। गरन पान्डबआ

इटालीनि टप क्लाब इन्टार मिलनाजोंबो गेलेखांबाय। बियो मिलनाजों लोगोसे 2010 याव सेम्पियन लीगखौबो देरहादोंमोन। बियो गावनि नेसनेल टीमनि लीडिं गल

स्करारबो। गरनआ जुन 2001 याव मेसिडनिया टीमनि थाखाय डेब्युबो खालामदोमोन। बिनि मुडव 38 गल दं। मेसिडनियानि थाखाय नैथि नम्बरआ बयनिखुइबो बांसिन गल सोनायनि मुडा एलेकजेन्डर त्राजकबस्कोनि। बिनि मुडव 18 था गल दं। हाफ टाइमसिमाव मोनैबो टीमफोरनि स्करआ 1-1 जों समानमोन। अस्ट्रियानि थाखाय मार्सेल सबित्जरनि मोजां क सयाव लेनारआ 18 मिनियाव गल सोयो। बेनि उनाव गरनआ 28 मिनिटआव गल सोनानै स्करखौ समान खालामो। नैथि हाफनि गिबि 30 मिनिटयावबो नर्थ मेसिडनियाआ अस्ट्रियानो जेबो खाबु होयाखै।

अस्ट्रेलियानि दै सानसिग्राया 100 मिटार बेकस्ट्रक्सकयाव वर्ल्ड रेकर्ड बानायदों



गोदान दिल्ली, 14 जुन : अस्ट्रेलियानि दै सानसिग्रा कायली मेककेनआ 100 मिटार बेकस्ट्रक दुर्नामेन्टयाव गोदान वर्ल्ड रेकर्ड खालामदों। 19 बोसोरनि बे दैसासिग्राया 100 मिटारनि जाथायखौ 57.45 सेकेन्डयाव दैखौ सावन्डिनो हानानै जारिमिन सोरजिदों। बिनि सिमां बे रेकर्डआ आमेरिकानि दै सानसिग्रा रेगन स्मिथनि मुडव दंमोन। कायलीआ बे रेकर्डखौ अलिम्पिक मेचनि थाखाय नेसनेल क्वालिफायर मेचयाव बानायदों। कायलीनि बे दिथिफुनाया गोबां बाखाय जादों। मेककेनआ आमेरिकानि गेलेगिरि रेगन स्मिथनि वर्ल्ड रेकर्डखौ उन खालामदों। रेगनआ 2019 वर्ल्ड सेम्पियनसिआव 57.57 सेकेन्डयाव 100 मिटार बेकस्ट्रक बादायलायनायखौ फुरा खालामनानै वर्ल्ड रेकर्ड खालामनो हादोंमोन। मेककेनआ आथिखालाव बे रेकर्डखौ सिफायबाय आरो गोदान वर्ल्ड रेकर्ड खालामबाय।

एम्सटरडेम, 14 जुन : नेदारलेन्डआ इउर' काप 2020 खौ देरहानायजों लोगोसे जागायजेन्दों। रबिबाराव गुप-चि नि बादायल। यनायाव डाच टीमआ इउक्रेनखौ 3-2 जों फेजेन्दो। बेयो नीदारलेन्डनि इउक्रेननि सायाव नैथि खेब देरहानाय। मोनैबो हान्जानि गेजेराव खेबथाम बादायलायनाया जाखांबाय। मोनसे मेचयाव इ गेलेदों। टीमआ मोन 3 मेचफोराव गिबि खेब बेरेखा हान्जाखौ स्कर खालाम होयो। बेजों लोगोसेनो इउक्रेनआ 22 मेचफोरनि गेजेराव 22 मेचफोराव गल सोनो हादों। टीमआ नर्थ मेसिडनियाजों 17 जुन आरो अस्ट्रियाजों 21 जुनयाव मेच गेलेगोन। इउक्रेनआ 6 था इउर' काप मेचफोराव गिबि खेब गल



मोनै मेचफोरखौ देरहादों आरो मोनब्रे मेचफोरखौ इ गेलेदों। टीमआ मोन 3 मेचफोराव गिबि खेब बेरेखा हान्जाखौ स्कर खालाम होयो। बेजों लोगोसेनो इउक्रेनआ 22 मेचफोरनि गेजेराव 22 मेचफोराव गल सोनो हादों। टीमआ नर्थ मेसिडनियाजों 17 जुन आरो अस्ट्रियाजों 21 जुनयाव मेच गेलेगोन। इउक्रेनआ 6 था इउर' काप मेचफोराव गिबि खेब गल

सोदों। बे मेचनि सिमां इउक्रेनआ आयुनि मोन 5 मेचफोराव गरसेबो गलखौ सोनो हायाखैमोन। इउर' कापयाव नीदारलेन्डनि टीमआ 10 थि खेब बार गेलेदों। बेयो नैथि खेब जेब्ला टीमआ गुप स्टेजनि अपनिं मेचयाव गरसेनिफ्राय बांसिन गल सोदों नेदारलेन्ड टीमआ 11 था इन्टारनेसेल मेचफोरनि गेजेराव मोनसेल' मेचखौ जेन्दों।

डब्लिउ टि सि फाइनाल आइ सि सि दुर्नामेन्टआव भारतआ निउजिलेन्डजों बादायलायगोन

गोदान दिल्ली, 14 जुन : टीम इन्डियाआ 18 जुननिफ्राय निउजिलेन्डनि हेंथायै साउथेम्पटनआव आइ सि सि वर्ल्ड टेस्ट चेम्पियनसिपनि फाइनालखौ गेलेनांगो। बे मेचजों लोगोसेनो टीम इन्डियाआ आइ सि सि दुर्नामेन्टआव 10 फाइनाल गेलेनायनि के सआव अस्ट्रेलियाजों समान जागोन। निउजिलेन्ड टीमनि बेयो 5 थि आइ सि सि फाइनाल जागोन। वेस्टइन्डिज इंग्लेन्ड आरो श्रीलंका टीमआ 8-8 फाइनाल गेलेनायजों लोगोसे जुथाय महरै थामथि नम्बरआव

फाइनाल जीते	वनडे वर्ल्ड कप	टी-20 वर्ल्ड कप	चैपियंस ट्रॉफी
3	2	1	4
2	1	1	1

थानो हादों। दासिमाव आइ सि सि दुर्नामेन्टआव गासै 53 फाइनाल गेलेखांबाय। बयनिखुइबो खमसिन साउथ आफ्रिकाया खेबसेल' फाइनाल गेलेदों। टीम इन्डियाआ जुदि डब्लिउ टि सि फाइनालाव देरहाब्ला बेयो आइ सि सि दुर्नामेन्टनि

फाइनालाव 5 थि देरहानाय जागोन। बेयो नैथि नम्बरआव थानाय वेस्टइन्डिजनि समान जागोन। बयनिखुइबो बांसिन फाइनालाव देरहानो हानाय के सयाव अस्ट्रेलियाआ टपआव दं। बियो 10 नि गेजेराव 7 खेब बिमुंखौ देरहानो हादों।

इउर' कापआव इंग्लेन्डआ क्रएसियाखौ 1-0 जों फेजेन्दो

लन्डन, 14 जुन : इउर' कापनि थामथि साननि गिबि बादायलायनायाव स्टा स्टाइकार रहीम स्टाइलिनि गल सोनायनि जाहोनाव इंग्लेन्डआ क्रएसियाखौ 1-0 जों फेजेन्दो। इलिस टीमआ इउर'

कापनि जारिमिनाव गिबि खेब गुप स्टेजनि अपेनिं मेच देरहानायाव जाफु सारनो हादों। टीमआ दासिमाव 10 अपेनिं मेचफोरनि गेजेराव 1 मेचखौ देरहानो हादों। क्रएसियान टीमनि बेयो अपेनिं मेचआव गिबि



जेन्नाय। टीमआ बे मेचनि सिमां 5 मेचफोरनि गेजेराव 4 मेचफोरखौ देरहादोंमोन। जेराव 1 मेचआ इ जादोंमोन। बे मेचखौ लन्डननि बेम्बली स्टेडियमआव गेलेनाय जादों। बे मेचयाव देरहानायजों

लोगोसेनो इंग्लेन्डआ 7 था मेचफोराव देरहानो हादों। बेनि गेजेराव 6 था मेचफोराव इलिस टीमआ बेरेखा टीमनो गरसेबो गल सोनो होयाखै। इंग्लेन्डआ लन्डननि बम्बलीयाव गेलेनाय 16 था मेचफोरनि गेजेराव 15

था मेचफोरखौ देरहादों। इलिस टीमआ बे स्टेडियमआव मेजर दुर्नामेन्टयाव 12 था मेचफोरखौ देरहादों। बेवहाय 8 था मेचफोरखौ देरहादों आरो 4 था मेचफोरखौ इ गेलेदों।